

韓文
一





OL
2670
A1
1854
v.1



韓文序



門人李漢



文者貫道之器也不深於斯道有至焉者不也易繇爻象
春秋書事詩詠諠書禮剔其偽皆深矣乎秦漢已前其氣
渾然迨乎司馬遷相如董生楊雄劉向之徒尤所謂傑然
者也至後漢曹魏氣象萎爾司馬氏已來規範蕩悉謂易
已下為古文剽掠潛竊為工耳文與道綦塞固然莫知也
先生生於大曆戊申幼孤隨兄播遷韶嶺兄卒鞠於嫂氏
辛勤來歸自知讀書為文日記數千百言比壯經書通念
曉析酷排釋氏諸史百子皆搜抉無隱汗瀾卓踔齋泮澄
深詭然而蛟龍翔蔚然而虎鳳躍鏘然而韶鈞鳴日光王

韓文
卷之四
一
潔周情孔思千態萬貌卒澤於道德仁義炳如也洞視萬
古愍惻當世遂大拯頽風教人自爲時人始而驚中而笑
且排先生益堅終而翕然隨以定嗚呼先生於文摧陷廓
清之功比於武事可謂雄偉不常者矣長慶四年冬先生
歿門人隴西李漢辱知最厚且親遂收拾遺文無所失墜
得賦四古詩二百一十聯句十一律詩一百六十雜著六
十五書啓序九十六哀辭祭文三十九碑誌七十六筆硯
鱣魚文三表狀五十二總七百并目錄合爲四十一卷目
爲昌黎先生集傳於代又有注論語十卷傳學者順宗實
錄五卷列於史書不在集中先生諱愈字退之官至吏部
侍郎餘在國史本傳

刻韓柳文序

明巡按直隸監察御史前翰林院庶吉士南平游居敬撰

夫秦漢以後稱文者。唯韓柳是宗。蓋自晉魏迄唐。文士操觚。競向纖靡。點綴是工。音響妍麗。而醇厚雅淡之體。寢衰貞元元和間。韓柳二公相望而起。奮追上古。削去浮豔。屏黜駢儷。雖體裁各殊。要之綜括經典。融通墳籍。追蹤司馬遷劉向揚雄班固。諸名筆。成一家言。則均是。故其傳遠。其宗之者同。然其爲書多奇字古義。唐宋諸鉅儒。迭爲辨釋。爲之音註。其義晰矣。顧其章離而意斷。議繁而氣格。

文獻堂文集
卷之五
渾成之體稍滑焉。余讀中祕時，每取觀輒以爲病。竊欲省釋舊箋，唯存正文。庸復作者之初而未克就。丙申冬奉

命按至寧國。暇日以是諮于寧國黎守晨洎宣城知縣吳悌僉曰：「便廼取蘇閩舊刻，稍加叅校，付之命工梓焉。編次遵李劉二子所集，存舊也。韓爲卷四十，次外集十卷，次集傳，次遺文，柳爲卷四十三，別集外集附錄，以次附焉。各仍其初，重更也。音切存其難解者，利習也。時本間有一二脫訛，取善本釐正焉。崇古也。工起今年春首，凡五閱月告竣，僭題

之曰韓文柳文云司校刊則教諭陳思誠訓導陳
嘉賓也比襄厥成教授鄭富訓導何偉與有事焉
或者曰韓柳之文前人評之備矣概之於道何居
余曰道因言以闡見道有淺深則其詞有醇駁若
韓子原道原性師說等篇匪出蹈襲而直探理本
佛骨一表凜然正氣足驚服姦詭謂有見於道者
非邪而柳子梓人橐駝等傳咸因物喻理雖非灼
然與道協貫較之析辨詭辭以撓世事者異矣若
其爲人終始大節則載諸書傳者可攷也已

嘉靖丁酉秋八月朔

韓文目錄

門人李漢編

卷之一

賦

感二鳥賦

復志賦

閔已賦

別知賦

古詩

元和聖德詩

琴操十首

南山詩

謝自然詩

秋懷詩十首

赴江陵途中寄三學士詩

暮行河堤上詩

夜歌

重雲

江漢

長安交遊者

岐山下二首

卷之二

古詩

北極一首贈李觀

此日足可惜贈張籍

幽懷

君子法天運

落葉

歸彭城

醉後

醉贈張祕書

同冠峽

送惠師

送靈師

縣齋有懷

合江亭

陪杜侍御遊湘西寺

岳陽樓

送文暢師

荅張徹

薦士

喜侯喜至贈張籍張徹

古風

鴛驥

馬馱穀

出門

嗟哉董生行

烽火

汴州亂二首

利劍

齷齪

卷之三

古詩

河之水二首

山石

天星

汴泗交流

忽忽

鳴鴈

龍移

雉帶箭

條山蒼

贈鄭兵曹

桃源圖

東方半明

贈唐衢

貞女峽

贈侯喜

古意

八月十五夜

謁衡嶽廟

峒嶺山

永貞行

洞庭湖阻風

李花

杏花

感春四首

寒食出遊

憶昨行

卷之四

古詩

劉生詩

鄭羣贈簾

豐陵行

遊青龍寺贈崔補闕

贈崔立之

送區弘

三星行

剝啄行

青青水中蒲三首

孟東野失子

陸渾山火

縣齋讀書

題新竹

晚菊

落齒

哭楊兵部

凝陸欽州參

苦寒

赤藤杖歌

酬崔十六少府

送侯參謀

東都遇春

感春五首

酬裴十六功曹

燕河南府秀才

送李翺

送石處士

送湖南李正字

卷之五

古詩

辛卯年雪

醉留東野

李花二首

招揚之眾

寄盧仝

酬司門盧四雲夫院長望

秋作

誰氏子

河南令舍池臺

送無本師歸范陽

石鼓歌

雙鳥詩

贈劉師服

題炭谷湫祠堂

聽穎師彈琴

送陸暢歸江南

送進士劉師服東歸

嘲魯連子

贈張籍

調張籍

盧郎中雲夫寄示盤谷子歌以和之

寄皇甫湜

病中贈張十八

雜詩

寄崔二十六立之

月蝕詩效玉川子作

孟生詩

射訓狐

將歸贈孟東野房蜀客

荅孟郊

從仕

短燈檠歌

送劉師服

卷之六

古詩

符讀書城南

示爽

人日城南登高

病鴟

華山女

讀皇甫湜公安園池詩書其後二首

路傍堠

食曲河驛

過南陽

瀧吏

贈別元十八協律六首

初南食貽元十八協律

宿曾江口示姪孫湘二首

荅柳州食蝦蟇

別趙子

除官赴闕至江州寄鄂岳李大夫

南山有高樹行一首贈李宗閔

猛虎行

卷之七

古詩

雪後寄崔二十六丞公

送僧澄觀

獻山南鄭相公樊員外

和武相公詠孔雀

感春三首

行香贈盧李二中舍人

晚寄張十八助教周郎博士

題張十八所居

酬盧給事曲江荷花

和錢七盆池所植

記夢

南內朝賀歸呈同官

朝歸

雜詩四首

讀東方朔雜事

譴瘡鬼

示兒

庭楸

翫月喜張十八以王六至

和李相公攝事南郊

和裴僕射相公假山

與張十八同效阮步兵

送諸葛覺往隨州讀書

南溪始泛三首

卷之八

聯句

城南聯句

會合聯句

鬪雞聯句

納涼聯句

秋雨聯句

征蜀聯句

同宿聯句

莎柵聯句

雨中寄孟刑部聯句

遠遊聯句

晚秋鄆城夜會聯句

卷之九

律詩凡八十五首

題楚昭王廟

宿龍宮灘

義魚招張功曹

李員外寄紙筆

次同冠峽

荅張十一功曹

郴州祈雨

湘中酬張十一功曹

郴口又贈二首

題木居士二首

晚泊江口

湘中

別盈上人

喜雪獻裴尚書

春雪

聞梨花發贈劉師命

春雪間早梅

早春雪中聞鶯

梨花下贈劉師命

和歸工部送僧約

入關詠馬

木芙蓉

題張十一旅舍三詠

榴花

井

蒲萄

峽石西泉

梁國惠康公主挽歌二首

和崔舍人詠月二十韻

詠雪贈張籍

酬王二十舍人雪中見寄

送侯喜

學諸進士作精衛銜石填海

酬振武胡十二大夫

和盧庫部元日朝廻

寒食直歸遇雨

送李六協律歸荆南

題百葉桃花

春雪

戲題牡丹

盆池五首

芍藥

奉和號州劉給事三堂二十一詠并序

新亭

流水

竹洞

月臺

渚亭

竹溪

北湖

花島

柳溪

西山

竹逕

荷池

稻畦

柳巷

花源

北樓

鏡潭

孤嶼

方橋

梯橋

月池

遊城南十六首

賽神

題于賓客莊

晚春

落花

楸樹二首

風折花枝

贈同遊

贈張十八助教

題韋氏莊

晚雨

出城

把酒

嘲少年

楸樹

遣興

卷之十

律詩凡八十首

送李尚書赴襄陽八韻

和席八十二韻

和武相公早春聞鶯

太安池

闕六首

遊太平公主山莊

晚春

大行皇太后挽歌詞二首

廣宣上人頻見過

閑遊二首

酬馬侍郎寄酒

和侯協律詠筍

過鴻溝

送張侍郎

贈刑部馬侍郎

和裴相公女兒山下作

鄆城晚飲贈馬侍郎及馮李二員外

酬別留後侍郎

同李二十八夜次襄城

同李二十八野宿西界

過襄城

宿神龜招李二十八馮十

七

次硤石

和李司勳過連昌宮

次潼關寄張十二閣老使

君

次潼關上都統相公

桃林夜賀晉公

送李員外院長分司東都

和晉公破賊回重拜台司

獨釣四首

枯樹

元日酬馬尚書去年元日之什

詠燈花同侯十一祖席前字

秋字

送鄭尚書赴南海

荅道士寄樹雞

左遷至藍關示姪孫湘

武關西逢配流吐蕃

次鄧州界

題臨瀧寺

酬韶州張使君惠書二章

題秀禪師房

將至韶州寄張使君借圖

經

過始興江口感懷

韶州留別張使君

量移袁州酬張韶州

次石頭驛寄王中丞

遊西林寺題蕭郎中舊堂

自袁州還京次安陸寄周隨州

題廣昌館

寄隨州周員外

酒中留上襄陽李相公

題層峰驛梁

賀張十八秘書得裴司空

馬

杏園送張徹

雨中寄張博士侯主簿

和張侍郎酬馬尚書

早春遊楊尚書林亭

奉使常山次太原

夕次壽陽驛題吳郎中詩

後

鎮州初歸

同水部張員外曲江春遊寄白舍人

和水部張員外宣政衙賜櫻桃詩

早春呈水部張員外二首

送桂州嚴大夫

酬馬僕射見寄之作

奉使鎮州酬裴司空

鎮州路上酬裴司空重見

寄

和僕射裴相公感恩言志

和僕射相公朝廻見寄

和李相公題蕭家林亭

和杜相公太清宮

卷之十一

雜著

原道

原性

原毀

原人

原鬼

行難

對禹問

雜說四首

讀荀子

讀鶡冠子

讀儀禮

讀墨子

卷之十二

雜著

獲麟解

師說

進學解

本政

守戒

圻者王承福傳

五箴五首

并序

後漢三賢贊三首

諱辯

訟風伯

伯夷頌

卷之十三

雜著

子產不毀鄉校頌

釋言

愛直贈李君房別

張中丞傳後叙

河中府連理木頌

汴州東西水門記

燕喜亭記

徐泗濠三州節度掌書記廳石記

畫記

藍田縣丞廳壁記

新修滕王閣記

科斗書後記

卷之十四

雜著書

鄆州溪堂詩

貓相乳

進士策問十三首

爭臣論

改葬服議

學生代齋郎議

帝袷議

顏子不貳過論

與李祕書論小功不稅書

太學生何蕃傳

荅張籍書

重荅張籍書

卷之十五

書啓

與孟東野書

荅竇秀才書

上李尚書書

賀徐州張僕射白兔狀

上兵部李侍郎書

荅尉遲生書

荅楊子書

至鄧州北寄上襄陽于相公書

爲分司郎官上鄭尚書相公啓

爲河南令上留守鄭相公啓

卷之十六

書

上宰相書

後十九日復上書

後二十九日復上書

荅侯繼書

荅崔立之書

荅李翊書

重荅李翊書

代張籍與李浙東書

荅李秀才書

荅陳生書

與李翱書

卷之十七

書

上張僕射書

荅胡生書

與于襄陽書

與崔羣書

與陳給事書

荅馮宿書

與衛中行書

上張僕射第二書

與馮宿論文書

與祠部陸員外書

卷之十八

書

與京西節度使書

爲人求薦書

應科目時與人書

荅劉正夫書

荅殷侍御書

荅陳商書

與孟尚書書

荅呂鑿山人書

荅渝州李使君書

荅元侍御書

卷之十九

書序

與鄭相公書

與袁相公書

與鄂州柳中丞書二首

荅魏博田僕射書

與華州李尚書書

京尹不臺參荅友人書

送陸欽州詩序

送孟東野序

送許郢州序

送竇從事序

上巳日燕太學聽彈琴詩序

送齊皞下第序

送陳密詩序

送李愿歸盤谷序

送牛堪序

卷之二十

序

送董邵南序

贈崔復州序

送張童子序

送浮屠文暢師序

送楊支使序

送何堅序

送廖道士序

送王秀才序

送孟秀才序

送陳秀才序

送王埴秀才序

荆潭唱和詩序

送幽州李端公序

送李元賓序

卷之二十一

序

送區冊序

送張道士序

送高閑上人序

送殷員外序

送楊少尹序

送權秀才序

送湖南李正字序

送石處士序

送溫處士赴河陽軍序

送鄭尚書序

送孟東野序

送水陸運使韓侍御歸所治序

送鄭十校理序

韋侍講盛山十二詩序

石鼎聯句序

石鼎聯句詩

卷之二十二

哀辭 祭文

祭田橫墓文

歐陽生哀辭

題哀辭後

獨孤申叔哀辭

祭穆員外文

祭郴州李使君文

祭薛助教文

祭虞部張員外文

祭左司李員外太夫人文

祭薛中丞文

祭裴太常文

潮州祭神文五首

卷之二十三

祭文

袁州祭神文三首

祭柳子厚文

祭湘君夫人文

祭竇司業文

祭侯主簿文

祭竹林神文

曲江祭龍文

祭馬僕射文

弔武侍御所畫佛文

祭故陝府李司馬文

祭十二兄文

祭鄭夫人文

祭十二郎文

祭周氏姪女文

祭滂文

祭張給事文

祭李氏二十九娘子文

祭張給事文

祭女挈女文

卷之二十四

碑誌

李元賓墓銘

崔評事墓銘

施先生墓銘

考功員外盧君墓銘

施州房使君鄭夫人殯表

清邊郡王楊燕奇碑文

河南少尹裴君墓誌銘

國子助教河東薛君墓誌銘

監察御史元君妻京兆韋氏夫人墓誌銘

卷之二十五

碑誌

登封縣尉盧殷墓誌銘

興元少尹房君墓誌銘

河南少尹李公墓誌銘

集賢院校理石君墓誌銘

唐故江西觀察使韋公墓誌銘

唐故河南府王屋縣尉畢君墓誌銘

試大理評事胡君墓誌銘

襄陽盧丞墓誌銘

唐河中府法曹張君墓碣銘

太原府參軍苗君墓誌銘

卷之二十六

碑誌

唐朝散大夫贈司勳員外郎孔君墓誌銘

故中散大夫河南尹杜君墓誌銘

唐銀青光祿大夫守左散騎常侍致仕上柱國襄

陽郡王平陽路公神道碑銘

烏氏廟碑銘

唐故河東節度觀察使滎陽鄭公神道碑文

魏博節度觀察使沂國公先廟碑銘

卷之二十七

碑誌

劉統軍碑

衢州徐偃王廟碑

袁州先廟碑

清河郡公房公墓碣銘

唐故銀青光祿大夫檢校左散騎常侍兼右金吾

衛大將軍贈工部尚書太原郡公神道碑文

卷之二十八

碑誌

曹成王碑

息國夫人墓誌銘

試大理評事王君墓誌銘

扶風郡夫人墓誌銘

殿中侍御史李君墓誌銘

卷之二十九

碑誌

唐故朝散大夫商州刺史除名徙封州董府君墓

誌

貞曜先生墓誌

唐故祕書少監贈絳州刺史獨孤府君墓誌銘

故虞部員外郎張府君墓誌銘

唐故檢校尚書左僕射右龍武軍統軍劉公墓誌

銘

卷之三十

碑誌

唐故監察御史衛府君墓銘

唐故河南令張君墓誌銘

鳳翔隴州節度使李公墓誌銘

唐故中散大夫少府監胡良公墓神道碑

唐故相權公墓銘
平淮西碑

卷之三十一

碑誌

南海神廟碑

處州孔子廟碑

柳州羅池廟碑

黃陵廟碑

唐故江南西道觀察使贈左散騎常侍太原王公

神道碑

卷之三十二

碑誌

司徒兼侍中中書令贈太尉許國公神道碑銘

柳子厚墓誌銘

唐故昭武校尉守左金吾衛將軍李公墓誌銘

唐故朝散大夫尚書庫部郎中鄭君墓誌銘

唐故朝散大夫越州刺史薛公墓誌銘

卷之三十三

碑誌

楚國夫人墓誌銘

唐故國子司業竇公墓誌銘

唐正議大夫尚書左丞孔公墓誌銘

故江南西道觀察使贈左散騎常侍太原王公墓誌銘
殿中少監馬君墓誌銘

卷之三十四

碑誌

南陽樊紹述墓誌銘

中大夫陝府左司馬李公墓誌銘

故幽州節度判官贈給事中清河張君墓誌銘

河南府法曹參軍盧府君夫人墓誌銘

故貝州司法參軍李君墓誌銘

處士盧君墓誌銘

故太學博士李君墓誌銘

卷之三十五

碑誌

盧渾墓誌銘

號州司戶韓府君墓誌銘

四門博士周況妻韓氏墓誌銘

韓滂墓誌銘

女挈壙銘

河南緱氏主簿唐充妻盧氏墓誌銘

乳母墓銘

卷之三十六

雜文

瘞硯銘

毛穎傳

送窮文

鱣魚文

卷之三十七

狀

贈太傅董公行狀

與汝州盧郎中論薦侯喜狀

論今年權停舉選狀

御史臺上論天旱人饑狀

請復國子監生徒狀

唐故贈絳州刺史馬府君行狀

復讎狀

錢重物輕狀

卷之三十八

表狀

爲韋相公讓官表

爲宰相賀雪表

進順宗皇帝實錄表狀二首

爲裴相公讓官表

爲宰相賀白龜狀

冬薦官殷侑狀

進王用碑文狀

謝許受王用男人事物狀

薦樊宗師狀

舉錢徽自代狀

進撰平淮西碑文表

奏韓弘人事物狀

謝許受韓弘物狀

卷之三十九

表狀

論捕賊行賞表

論佛骨表

潮州刺史謝上表

賀冊尊號表

袁州刺史謝上表

賀皇帝卽位表

賀赦表

賀冊皇太后表

賀慶雲表

舉張惟素自代狀

舉韓泰自代狀

慰國哀表

舉薦張籍狀

請上尊號表

舉韋顗自代狀

卷之四十

表狀

論孔戣致仕狀

舉馬總自代狀

賀雨表

賀太陽不虧狀

舉張正甫自代狀

袁州申使狀

國子監論新注學官牒

黃家賊事宜狀

應所在典貼良人男女等狀

論淮西事宜狀

論變鹽法事宜狀

韓文外集目錄

卷之一

明水賦

芍藥歌

海水

贈崔立之

贈河陽李大夫

苦寒歌

請遷玄宗廟議

卷之二

上賈滑州書

上考功崔虞部書

與少室李拾遺書

荅劉秀才論史書

與大顛師書

卷之三

送汴州監軍俱文珍序

送浮屠令縱西游序

卷之四

通解

擇言解

鄆人對

河南府同官記

記宜城驛

題李生壁

卷之五

除崔戶部侍郎制

祭董相公文

祭石君文

祭房君文

高君僊硯銘

高君畫贊

潮州請置鄉校牒

卷之六

書

順宗實錄卷第一

卷之七

順宗實錄卷第二

卷之八

順宗實錄卷第三

卷之九

順宗實錄卷第四

卷之十

順宗實錄卷第五

韓文集傳目錄

新書本傳

文錄序

記舊本韓文後

潮州韓文公廟碑

韓文遺集目錄

聯句

有所思

遣興

贈劍客李園

遺詩

同竇韋尋劉尊師不遇

春雪

贈族姪

嘲鼾睡六首

晝月

贈張徐州莫辭酒

辭唱歌

知音者誠希

酬藍田崔丞立之詠雪見寄

潭州泊船呈諸公

飲城南道邊古墓上逢中丞過贈禮部衛員外少

室張道士

池上絮

書

荅侯生問論語

墓誌

相州刺史御史中丞田公故夫人魏氏墓誌銘

啓

皇帝卽位賀宰相

狀

奏汴州得嘉禾嘉瓜 皇帝卽位賀諸道

皇帝卽位降赦賀觀察使

潮州謝孔大夫

疏

憲宗崩慰諸道

題名

長安慈恩塔

洛北惠林寺

謁少室李渤

福先塔寺

嵩山天封宮

迂杜兼

華嶽

韓文目錄終

韓文

卷之二

十一

韓文

目録

七

華陽天柱宮

彭林兼


華陽天柱宮

華陽天柱宮



韓文卷之一

明巡按直隸監察御史南平游居敬校



賦

感二鳥賦

貞元十一年五月戊辰愈東歸癸酉自潼關出息于河之
陰時始去京師有不遇時之歎見行有籠白鳥白鸛鵒而
西者號於道曰其土之守音狩其官使使去聲者進於天子東
西行者皆避路莫敢正目焉因竊自悲幸生天下無事時
承先人之遺業不識干戈耒耜攻守耕穫之勤讀書著文
自七歲至今凡二十二年其行已不敢有愧於道其間居
思念前古當今之故亦僅志其一二大者焉選舉於有司

與百千人偕進退。曾不得名薦書。齒下士于朝。以仰望天子之光明。今是鳥也。惟以羽毛之異。非有道德智謀。承顧問贊教化者。乃反得蒙採擢薦進。光耀如此。故爲賦以自悼。且明夫遭時者。雖小善必達。不遭時者。累善無所容焉。其辭曰。

吾何歸乎。吾將旣行而後思。誠不足以自存。苟有食其從之。出國門而東。驚觸白日之隆景。時返顧以流涕。念西路之羌永。過潼關而坐息。窺黃流之奔猛。感二鳥之無知。方蒙恩而入幸。惟進退之殊異。增余懷之耿耿。彼中心之何嘉。徒外飾焉是逞。余生命之湮阨。曾二鳥之不如。汨東西與南北。恒十年而不居。辱飽食其有數。况策名於薦書。時

所好之爲賢庸有謂余之非愚昔殷之高宗得良弼於宵
寐孰左右者爲之先信天同而神比及時運之未來或兩
求而莫致雖家到而戶說祇以招尤而速累蓋上天之生
余亦有期於下地盍求配於古人獨怊_{音超}悵於無位惟得
之而不能乃鬼神之所戲幸年歲之未暮庶無羨於斯類

復志賦

并序

愈旣從隴西公平汴州其明年七月有負薪之疾退休于
居作復志賦其辭曰

居悒悒

_{音邑}

之無解兮獨長思而永歎

_{音難}

豈朝食之不飽兮

寧冬裘之不完昔余之旣有知兮誠坎軻_{音可}而艱難當歲

行之未復兮從伯氏以南遷凌大江之驚波兮過洞庭之

漫漫至曲江而乃息兮。逾南紀之連山。嗟日月其幾何兮。
攜孤嫠音釐而北旋。值中原之有事兮。將就食於江之南。始
專專於講習兮。非古訓爲無所用其心。窺前靈之逸迹兮。
超孤舉而幽尋。旣識路又疾驅兮。孰知余力之不任。音考
古人之所佩兮。閱時俗之所服。忽忘身之不肖兮。謂青紫
其可拾。自知者爲明兮。故吾之所以爲惑。擇吉日余西征
兮。亦旣造夫京師。君之門不可逕而入兮。遂從試於有司。
惟名利之都府兮。羌衆人之所馳。競乘時而附勢兮。紛變
化其難推。全純愚以靖處兮。將與彼而異宜。欲奔走以及
事兮。顧初心而自非。朝騁驚乎書林兮。夕翱翔乎藝苑。諒
却步以圖前兮。不浸近而逾遠。哀白日之不與吾謀兮。至

今十年其猶初。豈不登名於一科兮。曾不補其遺餘。進旣
不獲其志願兮。退將遁而窮居。排國門而東出兮。慨余行
之舒舒。時憑高以迴顧兮。涕泣下而交如。戾洛師而悵望
兮。聊浮游以躊躇。假大龜以視兆兮。求幽貞之所廬。甘潛
伏以老死兮。不顯著其名譽。音歟非夫子之洵美兮。吾何爲
乎浚之都。小人之懷惠兮。猶知獻其至愚。固余異於牛馬
兮。寧止乎飲水而求芻。伏門下而默默兮。竟歲年以康娛。
時乘閒以獲進兮。顏垂歡而愉愉。仰盛德以安窮兮。又何
忠之能輸。昔余之約吾心兮。誰無施而有獲。嫉貪佞之誇
濁兮。曰吾其旣勞而後食。懲此志之不脩兮。愛此言之不
可忘。情怊悵以自失兮。心無歸之茫茫。苟不內得其如斯

兮孰與不食而高翔抱關之阨陋兮有肆志之揚揚伊尹之
樂於畎畝兮焉富貴之能當恐誓言之不固兮斯自誦以
成章往者不可復兮冀來今之可望

閔已賦

余悲不及古之人兮伊時勢而則然獨閔閔其曷已憑文
章以自宣昔顏氏之庶幾在隱約而平寬固哲人之細事
夫子乃嗟歎其賢惡飲食乎陋巷亦足以頤神而保年有
至聖而爲之依歸又何不自得於艱難曰余昏昏其無類
望夫人其已遠行舟楫而不識四方涉大水之漫漫勤祖
先之所貽勉汲汲於前修之言雖舉足以蹈道哀與我者
爲誰衆皆捨而已用忽自惑其是非下土茫茫其廣大余

壹不知其可懷。就水草以休息。恒未安而旣危。久拳拳其何故。亦天命之所宜。惟否泰之相極。咸一得而一違。君子有失其所。小人有得其時。聊固守以靜俟。誠不及古之人。兮其焉悲。

別知賦

余取友於天下。將歲行之兩周。下何深之不卽。上何高之不求。紛擾擾其旣多。咸喜能而好修。寧安顯而獨裕。顧阨窮而共愁。惟知心之難得。斯百一而爲收。歲癸未而遷逐。侶蟲蛇於海陬。遇夫人之來使。關公館而羅羞。索微言於亂志。發孤笑於羣憂。物何深而不鏡。理何隱而不抽。始參差以異序。卒爛漫而同流。何此歡之不可恃。遂駕馬而廻。

韓山礲礲

五交切

其相軋

樹蓊蓊

音蓊

其相樛

居由切

雨浪浪

郎音

其不止雲浩浩其常浮知來者之不可以數音朔哀去此而無由倚郭郭音孚而掩涕空盡日以遲留

古詩

元和聖德詩

并序

臣愈頓首再拜言臣伏見皇帝陛下卽位以來誅流姦臣朝廷清明無有欺蔽外斬楊惠琳劉闢以收夏蜀東定青徐積年之叛海內怖駭不敢違越郊天告廟神靈歡喜風雨晦明無不從順太平之期適當今日臣蒙被恩澤日與羣臣序立紫宸殿陛下親望穆穆之光而其職業又在以經籍教導國子誠宜率先作歌詩以稱道盛德不可以辭

語淺薄不足以自效爲解輒依古作四言元和聖德詩一篇凡千有二十四字指事實錄具載明天子文武神聖以警動百姓耳目傳示無極其詩曰

皇帝卽阼物無違拒曰暘而暘曰雨而雨維是元年有盜在夏欲覆其州以踵近武皇帝曰嘻豈不在我負鄙爲艱縱則不可出師征之其衆十旅軍其城下告以福禍腹敗枝披不敢保聚擲首_音外降旛夜豎疆外之險莫過蜀土韋臯去鎮劉闢守後血入于牙不肯吐口開庫啗士曰隨所取汝張汝弓汝伐汝鼓汝爲表書求我帥汝事始上聞在列咸怒皇帝曰然嗟遠士女苟附而安則且付與讀命於庭出節少府朝發京師夕至其部闢喜謂黨汝振而

伍蜀可全有。此不當受。萬牛齏

力轉切

炙。萬甕行酒。以錦纏

股。以紅帕首。有恒

音匡

其兇。有餌其誘。其出穰穰。

音穰

隊以萬

數。遂劫東川。遂據城阻。皇帝曰。嗟。其又可許。爰命崇文分

卒禁禦。有安其驅。無暴我野。日行三十。徐壁其右。關黨聚

謀。鹿頭是守。崇文奉詔。進退規矩。戰不貪殺。擒不濫數。四

方節度。整兵頓馬。上章請討。俟命起坐。皇帝曰。嘻。無汝煩

苦。荆并洎梁。在國門戶。出師三千。各選爾醜。四軍齊作。殷

其如阜。或拔其角。或脫其距。長驅洋洋。無有齟齬。

音語

壬午。關棄城走。載妻與妾。包裹稚乳。是日崇文入處其宇。

分散逐捕。搜原剔藪。關窮見窘。無地自處。俯視大江。不見

洲渚。遂自顛倒。若杵投臼。取之江中。枷脰

音豆

械手。婦女纍

纍啼哭拜叩來獻闕下以告廟社周示城市咸使觀覩解
脫羣索夾以砧斧婉婉弱子赤立偃音偻音牽頭曳足先
斷胷脅次及其徒體骸撐丑庚切拄豕更切末乃取闕駭汗如
寫音揮刀紛紜爭刊音膾脯優賞將吏扶珪綴組帛堆其
家粟塞其庾哀憐陣歿廩給孤寡贈官封墓周市宏溥經
戰伐地寬免租簿施令酬功急疾如火天地中間莫不順
序幽恒青魏東盡海浦南至徐蔡區外雜虜怛威赧德蹶
蹶蹈舞掉棄兵革私習簋簠來請來覲十百其耦皇帝曰
吁伯父叔舅各安爾位訓厥眚晦正月元日初見宗祖躬
執百禮登降拜俯薦于新宮視瞻梁杞音感見容色淚落
入俎侍祠之臣助我惻楚乃以上辛於郊用牡除于國南

鱗筍毛簋

音巨

廬幕周施開揭磊

音可

獸盾

順允

騰拏

女加切

圓壇帖妥天兵四羅旂常

姁切

娜

奴可切

駕龍十二

魚魚雅雅宵昇于丘真壁獻竿衆樂驚作轟脰

音灰

融冶紫

焰噓呵高靈下墮羣星從坐錯落侈哆

昌者切

日君月妃煥

赫嫫

烏果切

姁

五果切

瀆鬼濛鴻嶽祗業

音業

我

飫

沃羶薌產

祥降嘏鳳皇應奏舒翼自拊赤麟黃龍逵

音威

陀結糾卿士

庶人黃童白叟踊躍歡呀失喜噎歐

烏后切

乾清坤夷境落

褰舉帝車迴來日正當午幸丹鳳門大赦天下滌濯剡磔

磨滅瑕垢續功臣嗣拔賢任者孩養無告仁滂施厚皇帝

神聖通達今古聽聰視明一似堯禹生知法式動得理所

天錫皇帝爲天下主并包畜養無異細鉅億載萬年敢有

違者。皇帝儉勤。盟濯陶瓦。斥遣浮華。好此締紵。勅戒四方。
侈則有咎。天錫皇帝。多麥與黍。無召水旱。耗于雀鼠。億載
萬年。有富無窶。皇帝正直。別白善否。擅命而狂。旣翦旣去。
盡逐羣姦。靡有遺侶。天錫皇帝。厖臣碩輔。博問遐觀。以置
左右。億載萬年。無敢余侮。皇帝大孝。慈祥悌友。怡怡愉愉。
奉太皇后。浹于族親。濡及九有。天錫皇帝。與天齊壽。登茲
太平。無怠永久。億載萬年。爲父爲母。博士臣愈。職是訓詁。
作爲歌詩。以配吉甫。

琴操十首

并序

將歸操

孔子之趙聞殺竇鳴犢作

秋之水兮其色幽幽。我將濟兮不得其由。涉其淺兮石齧

我足乘其深兮。龍入我舟。我濟而悔兮。將安歸。尤歸兮。歸兮。無與石鬪兮。無應龍求。

猗蘭操 孔子傷不逢時作

蘭之猗猗。揚揚其香。不採而佩。於蘭何傷。今天之旋。其曷爲然。我行四方。以日以年。雪霜貿貿。音茂薺麥之茂。子如不傷。我不爾覲。薺麥之茂。薺麥之有。君子之傷。君子之守。

龜山操 孔子以季桓子受齊女樂諫不從。望龜山而作。

龜之氛兮。不能雲雨。龜之枿牙葛切兮。不中梁柱。龜之大兮。祗以奄魯。知將隳兮。哀莫余伍。周公有鬼兮。嗟歸余輔。

越裳操 周公作

雨之施物以孳我何意於彼爲自周之先其艱其勤以有
疆宇私我後人我祖在上四方在下厥臨孔威敢戲以侮
孰荒于門孰治于田四海旣均越裳是臣

拘幽操 文王羑里作

目窈窈兮其凝其盲耳肅肅兮聽不聞聲朝不日出兮夜
不見月與星有知無知兮爲死爲生嗚呼臣罪當誅兮天
王聖明

岐山操 周公爲太王作

我家于豳自我先公伊我承緒敢有不同今狄之人將土
我疆民爲我戰誰使死傷彼岐有咀我往獨處爾莫余追
無思我悲

履霜操

尹吉甫子伯奇無罪爲後母譖而見逐自

傷作

父兮兒寒母兮兒饑兒罪當答逐兒何爲兒在中野以宿
以處四無人聲誰與兒語兒寒何衣兒饑何食兒行于野
履霜以足母生衆兒有母憐之獨無母憐兒寧不悲

雉朝飛操

牧犢子七十無妻見雉雙飛感之而作

雉之飛于朝日羣雌孤雄意氣橫出當東而西當啄而飛
隨飛隨啄羣雌粥粥嗟我雖人曾不如彼雉雞生身七十
年無一妾與妃

別鵠操

商陵穆子娶妻五年無子父母欲其改娶

其妻聞之中夜悲嘯穆子感之而作

雄鵠銜枝來。雌鵠啄泥歸。巢成不生子。大義當乖離。江漢水之大。鵠身鳥之微。更無相逢日。且可繞樹相隨飛。

殘形操 曾子夢見一狸。不見其首作。

有獸維狸兮。我夢得之。其身孔明兮。而頭不知。吉凶何爲兮。覺坐而思。巫咸上天兮。識者其誰。

南山詩

吾聞京城南。茲維羣山囿。東西兩際海。巨細難悉究。山經及地志。茫昧非受授。團辭試提挈。挂一念萬漏。欲休諒不能。粗叙所經觀。嘗昇崇丘望。戢戢見相湊。晴明出稜角。縷脉碎分繡。蒸嵐相瀕洞。表裏忽通透。無風自飄簸。融液煦柔茂。橫雲時平凝。點點露數岫。天空浮脩眉。濃綠畫新就。

孤撐有巉絕。海浴褰鵬噉。音書春陽潛沮洳。音如濯濯吐深秀。

巖巒雖律律。音律萃昨沒切輒弱類含酎。音宙夏炎百木盛。蔭鬱增

埋覆。神靈日歆音欸。雲氣爭結構。秋霜喜刻轢。音曆餘音窄卓

立。墮瘦參差相疊重。剛耿陵宇宙。冬行雖幽墨。冰雪工琢

鏤。新曦照危峨。億丈恒高袤。音莫明昏無停態。頃刻異狀

候。西南雄太白。突起莫間簞。音初藩都配德運。分宅占丁

戊。音茂逍遙越坤位。詆訐陷乾寶。空虛寒兢兢。風氣較搜漱。

朱維方燒日。陰霰縱騰糅。音如昆明大池北。去覲偶晴晝。

縣聯窮俯視。倒側困清漚。微瀾動水面。踴躍躁糅。音奴狄

音驚呼惜破碎。仰喜呀不仆。前尋徑杜墅。坳音蒲闕音悶蔽畢原。

陋。崎嶇上軒昂。始得觀覽富。音敷行行將遂窮。嶺陸煩互

走

去聲

勃然思坼裂。擁掩難恕宥。巨靈與夸蛾。遠賈音期必

售。還疑造物意。固護蓄精祐。力雖能排幹。雷電怯呵詬。攀

緣脫手足。蹭蹬抵積甃。茫如試矯首。埒音囑塞生恟。

音慙

音茂

威容喪蕭爽。近新迷遠舊。拘官計日月。欲進不可又。因緣

窺其湫。凝湛閔陰囿。

音嗅

魚蝦可俯掇。神物安敢寇。林柯有

脫葉。欲墮鳥驚救。爭銜彎環飛。投棄急哺鷇。

音寇

旋歸道廻

睨。達枿壯復奏。吁嗟信竒怪。峙質能化質。前年遭譴謫。探

歷得邂逅。初從藍田入。顧眄勞頸脰。時天晦大雪。淚目苦

朦朧。

音茂

峻塗拖長冰。直上若懸溜。褰衣步推馬。顛蹶退且

復。蒼黃忘遐睎。所矚纔左右。杉篁屹

音屹

蒲蘇。杲耀攢介冑。

專心憶平道。脫險逾避臭。昨來逢清霽。宿願忻始副。崢

音崢

嶮

音宏

躋冢頂。倏閃雜鼃。

音鼃

又音前。低劃。

音畫

開闊。爛漫堆衆。

皺。或連若相從。或蹙若相鬪。或妥若弭伏。或竦若驚雉。或

散若瓦解。或赴若輻湊。或翩若船遊。或決若馬驟。或背若

相惡。或向若相佑。或亂若抽筍。或皦皦音皦若注灸。或錯若繪

畫。或繚若篆籀。

音宙

或羅若星離。或蒼若雲逗。

音豆

或浮若波濤。或碎若鋤耨。或如賁育倫。賭勝勇前。購先強勢已出。後

鈍。嗔誼。

音閩

譟。

音釋

或如帝王尊。叢集朝賤。幼雖親不褻狎。雖

遠不悖謬。或如臨食案。肴核紛飭。

丁定切

餽。

音豆

又如遊九原。

墳墓。包槨。或纍若盆甕。或揭若瓿豆。或覆若曝鼈。或頽

若寢獸。或蜿若藏龍。或翼若搏鷲。

音就

或齊若友朋。或隨若

先後。或迸若流落。或顧若宿留。

音溜

或戾若仇讐。或密若婚

媵或儼若峨冠或翻若舞袖或屹若戰陣或圍若蒐狩或

靡然東注或偃然北首去聲或如火熺熺或若氣饋音饋留音留

或行而不輟或遺而不收音猗或斜而不倚或弛而不鼓或

赤若禿鬣丘閑切或燠若柴樵音幼或如龜拆兆或若封分繇

音宙或前橫若剝或後斷若妬延延離又屬夫夫叛還遘喁

喁音顓魚闕音越萍落落月經宿閭閭樹牆垣巘巘架庫廐參

參削劒戟煥煥銜瑩琇音秀敷敷花披萼闐闐音翕屋摧雷悠

悠舒而安兀兀狂以狃女救切超超出猶奔蠢蠢駭不懋大

哉立天地經紀肖管滕厥初孰開張僊僊誰勸侑創茲朴

而巧戮力忍勞疚得非施斧斤無乃假詛呪鴻荒竟無傳

功大莫酬儼嘗聞於祠官芬苾降歆嗅斐然作歌詩惟用

贊報醕又音

謝自然詩

果州南充縣寒女謝自然童騃無所識但聞有神僊輕生
學其術乃在金泉山繁華榮慕絕父母慈愛捐凝心感魑
魅恍惚難具言一朝坐空室雲霧生其間如聆笙竽韻來
自冥冥天白日變幽晦蕭蕭風景寒簷楹暫明滅五色光
屬聯觀者徒傾駭躑躅詎敢前須臾自輕舉飄若風中煙
茫茫八紘大影響無由緣里胥上其事郡守驚且歎平聲驅
車領官吏吐俗爭相先入門無所見冠屨同蛻蟬皆云神
僊事灼灼信可傳余聞古夏后象物知神姦山林民可入
魍魎莫逢旃逶迤不復振後世恣欺謾幽明紛雜亂人鬼

更相殘秦皇雖篤好漢武洪其源自從二主來此禍竟連
連木石生怪變狐狸騁妖思平聲莫能盡性命安得更長延
人生處萬類知識最爲賢奈何不自信反欲從物遷往者
不可悔孤魂抱深冤來者猶可誠余言豈空文人生有常
理男女各有倫寒衣及饑食在紡績耕耘下以保子孫上
以奉君親苟異於此道皆爲棄其身噫乎彼寒女永託異
物羣感傷遂成詩昧者宜書紳

秋懷詩十一首

窗前兩好樹衆葉光蕤蕤秋風一披拂策策鳴不已微燈
照空牀夜半偏入耳愁憂無端來感歎成坐起天明視顏
色與故不相似羲和驅日月疾急不可恃浮生雖多塗趨

韓文公集卷之十一
死惟一軌胡爲浪自苦得酒且歡喜

白露下百草蕭蘭共雕悴青青四牆下已復生滿地寒蟬
暫寂寞蟋蟀鳴自恣運行無窮期稟受氣苦異適時各得
所松柏不必貴

彼時何卒卒

蒼沒切

我志何曼曼音萬犀首空好飲廉頗尚能

飯學堂日無事驅馬適所願茫茫出門路欲去聊自勸歸
還閱書史文字浩千萬陳跡竟誰尋賤嗜非貴獻丈夫意
有在女子乃多怨

秋氣日惻惻秋空日凌凌上無枝上蜩下無盤中蠅豈不
感時節耳目去所憎清曉卷書坐南山見高稜其下澄湫
水有蛟寒可憎惜哉不得往豈謂吾無能

離離掛空悲。慙慙抱虛警。露泫秋樹高。蟲弔寒夜永。歛退就新懦。趨營悼前猛。歸愚識夷塗。汲古得脩綆。名浮猶有耻。味薄真自幸。庶幾遺悔尤。卽此是幽屏。

今晨不成起。端坐盡日景。蟲鳴室幽幽。月吐窗罔罔。喪懷若迷方。浮念劇含梗。塵埃慵伺候。文字浪馳騁。尚須勉其頑。王事有朝請。

秋夜不可晨。秋日苦易暗。我無汲汲志。何以有此憾。寒雞空在棲。缺月煩屢瞰。有琴具徽絃。再鼓聽愈淡。古聲久埋滅。無由見真濫。低心逐時趨。苦勉祇能暫。有如乘風船。一縱不可纜。不如覩文字。丹鉛事點勘。豈必求贏餘。所要石與甌。

卷卷落地葉隨風走前軒鳴聲若有意顛倒相追奔空堂
黃昏暮我坐默不言童子自外至吹燈當我前問我我不
應饋我我不餐退坐西壁下讀詩盡數編作者非今士相
去時已千其言有感觸使我復悽酸顧謂汝童子置書且
安眠丈夫屬有念事業無窮年

霜風侵梧桐衆葉著樹乾空堦一片下瑤若摧琅玕謂是

夜氣滅望舒實

音隕

其團青真無依倚飛轍危難安驚起出

戶視倚楹久沈

音九

瀾憂愁費晷景日月如跳丸迷復不計

遠爲君駐塵鞍

暮暗來客去羣翬各收聲悠悠偃宵寂憂憂音尾抱秋明世
累忽進慮外憂遂侵誠強懷張不滿弱念缺已盈詰屈避

語寔寔茫觸心兵敗虜千金棄得比寸草榮知耻足爲勇
晏然誰汝令

鮮鮮霜中菊旣晚何用好揚揚弄芳蝶爾生還不早運窮
兩值遇婉孌死相保西風蟄龍蛇衆木日凋槁由來命分
爾泯滅豈足道

赴江陵途中寄贈王二十補闕李十一拾遺李二十

六員外翰林三學士

孤臣昔放逐泣血追愆尤汗漫不省識

音晃

如乘桴浮或

自疑上䟽上䟽豈其由是年京師旱田畝少所收上憐民
無食征賦半已休有司恤經費未免煩徵求富者旣云急
貧者固已流傳聞閭里間赤子棄渠溝持男易斗粟掉臂

莫肯酬我時出衢路餓者何其稠親逢道邊死佇立久咿
憂歸舍不能食有如魚中鉤適會除御史誠當得言秋拜
疏移閣門爲忠寧自謀上陳人疾苦無令絕其喉下陳畿
甸內根本理宜優積雪驗豐熟幸寬待蠶麤天子惻然感
司空歎稠繆謂言卽施設乃反遷炎州同官盡才俊偏善
柳與劉或慮語言洩傳之落冤讐二子不宜爾將疑斷還
不中使臨門遣頃刻不得留病妹臥牀褥分知隔明幽悲
啼乞就別百請不領頭弱妻抱稚子出拜忘慚羞僂僂不
迴顧行行詣連州朝爲青雲士暮作白首囚商山季冬月
冰凍絕行輶春風洞庭浪出沒驚孤舟逾嶺到所任低顏
奉君侯酸寒何足道隨事生瘡疣遠地觸途異吏民似援

猴生寧

尼耕切

多忿狠辭舌紛嘲啁白日屋簷下雙鳴鬪鵒

鵒有蛇類兩首有蠱羣飛游窮冬或搖扇盛夏或重裘颺

具起最可畏

訇音轟

哮許交切簸陵丘雷霆助光怪氣象難比

侔癘疫忽潛邁十家無一瘳猜嫌動置毒對案輒懷愁前

日遇恩赦私心喜還憂果然又羈繫不得歸耒耨此府雄

且大騰凌盡戈矛棲棲法曹掾何處事卑陬生平企仁義

所學皆孔周早知大理官不列三后儔何況親犴獄敲

撈

彭音

發姦偷懸知失事勢恐自罹罟罟音淨湘水清且急涼

風日脩脩胡爲首歸路旅泊尚夷猶昨者京使至嗣皇傳

冕旒赫然下明詔首罪誅共叟

古塊字

復聞顛天輩峨冠進

鴻疇班行再肅穆璜珮鳴琅璆

音求

佇繼貞觀烈邊封脫兜

韓文

卷之二

七

韓文公集卷之五
三賢推侍從。卓犖傾枚鄒。高議參造化。清文煥皇猷。
協心輔齊聖。致理同毛輶。小雅詠鹿鳴。食苹貴呦呦。遺風
邈不嗣。豈憶嘗同稠。矢志早衰換。前期擬蜉蝣。自從齒牙
缺。始慕舌爲柔。因疾鼻又塞。漸能等薰蕕。深思罷官去。畢
命依松楸。空懷焉能果。但見歲已遒。殷湯閔禽獸。解網祝
蛛蝥。雷煥掘寶劍。冤氛銷斗牛。茲道誠可尚。誰能借前籌。
殷勤謝吾友。明月非暗投。

暮行河堤上

暮行河堤上。四顧不見人。衰草際黃雲。感歎愁我神。夜歸
孤舟臥。展轉空及晨。謀計竟何就。嗟嗟世與身。

夜歌

靜夜有清光。閑堂仍獨息。念身幸無恨。志氣方自得。樂哉何所憂。所憂非我力。

重雲一首李觀疾贈之

天行失其度。陰氣來于陽。重雲閉白日。炎燠成寒涼。小人但咨怨。君子惟憂傷。飲食爲減少。身體豈寧康。此志誠足貴。懼非職所當。藜羹尚如此。肉食安可嘗。窮冬百草死。幽桂乃芬芳。且況天地間。大運自有常。勸君善飲食。鸞鳳本高翔。

江漢一首答孟郊

江漢雖云廣。乘舟渡無艱。流沙信難行。馬足常往還。淒風結衝波。狐裘能禦寒。終宵處幽室。華燭光爛爛。苟能行忠

韓文
信可以居夷蠻。嗟余與夫子。此義每所敦。何爲復見贈。繼
繼在不諼。

長安交遊者一首贈孟郊

長安交遊者。貧富各有徒。親朋相遇時。亦各有以娛。陋室
有文史。高門有笙竽。何能辨榮悴。且欲分賢愚。

岐山下二首

誰謂我有耳。不聞鳳皇鳴。竭來岐山下。日暮邊鴻驚。○丹
穴五色羽。其名爲鳳皇。昔周有盛德。此鳥鳴高岡。和聲隨
祥風。窅窕相飄揚。聞者亦何事。但知時俗康。自從公旦死。
千載閔其光。吾君亦勤理。音治爾一來翔。

韓文卷之一終

韓文卷之二

古詩

北極一首贈李觀

北極有羈羽。南溟有沈鱗。川源浩浩隔。影響兩無因。風雲一朝會。變化成一身。誰言道里遠。感激疾如神。我年二十五。求友昧其人。哀歌西京市。乃與夫子親。所尚苟同趨。賢愚豈異倫。方爲金石姿。萬世無緇磷。無爲兒女態。憔悴悲賤貧。

此日足可惜一首贈張籍

此日足可惜。此酒不足嘗。捨酒去相語。共分一日光。念昔未知子。孟君自南方。自矜有所得。言子有文章。我名屬相

府欲往不得行。思之不可見。百端在中腸。維時月魄死。冬
日朝在房。驅馳公事退。聞子適及城。命車載之至。引坐於
中堂。開懷聽其說。往往副所望。孔丘歿已遠。仁義路久荒。
紛紛百家起。詭怪相披猖。長老守所聞。後生習爲常。少知
誠難得。純粹古已亡。譬彼植園木。有根易爲長。留之不遣
去。館置城西旁。歲時未云幾。浩浩觀湖湘。衆夫指之笑。謂
我知不明。兒童畏雷電。魚鼈驚夜光。州家舉進士。選試繆
所當。馳辭對我策。章句何煒煌。相公朝服立。工席歌鹿鳴。
禮終樂亦闋。相拜送於庭。之子去須臾。赫赫流盛名。竊喜
復竊歎。諒知有所成。人事安可恒。奄忽令我傷。聞子高第
日。正從相公喪。哀情逢吉語。倘音切悅許昉難爲雙。暮宿偃

師西徒展轉在牀。夜聞汴州亂。遠壁行徬徨。我時留妻子。
倉卒不及將。相見不復期。零落甘所丁。驕兒未絕乳。念之
不能忘。忽如在我所。耳若聞啼聲。中途安得返。一日不可
更。俄有東來說。我家免罹殃。乘船下汴水。東去趨彭城。從
喪朝至洛。還走不及停。假道經盟津。出入行澗岡。日西入
軍門。羸馬顛且僵。主人願少留。延入陳壺觴。卑賤不敢辭。
忽忽心如狂。飲食豈知味。絲竹徒轟轟。平明脫身去。決若
驚鳬翔。黃昏次汜音水。欲過無舟航。號呼久乃至。夜濟十
里黃。中流上灘渾。但音沙水不可詳。驚波暗合沓。星宿爭翻
芒。轅馬躑躅鳴。左右泣僕童。甲午憇時門。臨泉窺鬪龍。東
南出陳許。陂澤平茫茫。道邊草木花。紅紫相低昂。百里不

逢人角角雄雉鳴。行行二月暮。乃及徐南疆。下馬步堤岸。
上船拜吾兄。誰云經艱難。百口無天殤。僕射南陽公。宅我
睢水陽。篋中有餘衣。盎中有餘糧。閉門讀書史。窗戶忽已
涼。日念子來遊。子豈知我情。別離未爲久。辛苦多所經。對
食每不飽。共言無倦聽。連延三十日。晨坐達五更。我友二
三子。宦遊在西京。東野窺禹穴。李翱觀濤江。蕭條千萬里。
會合安可逢。淮之水舒舒。楚山直叢叢。子又捨我去。我懷
焉所窮。男兒不再壯。百歲如風狂。高爵尚可求。無爲守一
鄉。

幽懷

幽懷不能寫。行此春江潯。適與佳節會。士女競光陰。凝粧

耀洲渚。繁吹蕩人心。間關林中鳥。亦知和爲音。豈無一罇酒。自酌還自吟。但悲時易失。四序迭相侵。我歌君子行。視古猶視今。

君子法天運

君子法天運。四時可前知。小人惟所遇。寒暑不可期。利害有常勢。取捨無定姿。焉能使我心。皎皎遠憂疑。

落葉一首送陳羽

落葉不更息。斷蓬無復歸。飄飄終自異。邂逅暫相依。悄悄深夜語。悠悠寒月輝。誰云少年別。流淚各霑衣。

歸彭城

天下兵又動。太平竟何時。訐謨者誰子。無乃失所宜。前年

關中旱。閭井多死饑。去歲東郡水。生民爲流屍。上天不虛
應。禍福各有隨。我欲進短策。無由至彤墀。刳肝以爲紙。瀝
血以書辭。上言陳堯舜。下言引龍夔。言詞多感激。文字少
葳_{威音}蕤。一讀已自怪。再尋良自疑。食芹雖云美。獻御固已
癡。緘封在骨髓。耿耿空自竒。作者到京城。屢陪高車馳。周
行多俊異。議論無瑕疵。見待頗異禮。未能去毛皮。到口不
敢吐。徐徐俟其巇。歸來戎馬閒。驚顧似羈雌。連日或不語。
終朝見相欺。乘閒輒騎馬。茫茫詣空陂。遇酒卽酩酊。君知
我爲誰。

醉後

煌煌東方星。奈此衆客醉。初喧或忿爭。中靜雜嘲戲。淋漓

身上衣顛倒筆下字人生如此少酒賤且勤置

醉贈張秘書

人皆勸我酒我若耳不聞今日到君家呼酒持勸君爲此
座上客及余各能文君詩多態度藹藹春空雲東野動驚
俗天葩吐奇芬張籍學古淡軒昂避雞羣阿買不識字頗
知書八分詩成使之寫亦足張吾軍所以欲得酒爲文俟
其醺酒味旣冷冽酒氣又氤氲性情漸浩浩諧笑方云云
此誠得酒意餘外徒繽紛長安衆富兒盤饌羅羶葷不解
文字飲惟能醉紅裙雖得一餉樂有如聚飛蚊今我及數
子固無猶與薰險語破鬼膽高詞婉皇墳至寶不雕琢神
功謝鋤耨方今向太平元凱承華勛吾徒幸無事庶以窮

朝曛。

同冠峽

南方二月半。春物亦已少。維舟山水間。晨坐聽百鳥。宿雲尚含姿。朝日忽升曉。羈旅感和鳴。囚拘念輕矯。潸潸淚久迸。詰曲思增繞。行矣且無然。蓋棺事乃了。

送惠師

惠師浮屠者。乃是不羈人。十五愛山水。超然謝朋親。脫冠翦頭髮。飛步遺蹤塵。發跡入四明。梯空上秋旻。遂登天台望。衆壑皆嶙峋。夜宿最高頂。舉頭看星辰。光芒相照燭。南北爭羅陳。茲地絕翔走。自然嚴且神。微風吹木石。澎湃聞韶鈞。夜半起下視。溟波銜日輪。魚龍驚踴躍。叫嘯成悲辛。

怪氣或紫赤。敲磨共輪囷。金鷄旣騰翥。六合俄清新。常聞禹穴竒。東去窺甌閩。越俗不好古。流傳失其真。幽蹤邈難得。聖路嗟長堙。廻臨浙江濤。屹起高峨岷。壯志死不息。千年如隔晨。是非竟何有。棄去非吾倫。凌江詣廬嶽。浩蕩極遊巡。崔嵬沒雲表。陂陀浸湖淪。是時雨初霽。懸瀑垂天紳。前年徃羅浮。步屐南海濬。音唇大哉陽德盛。榮茂恒留春。鵬騫墮長翮。鯨戲側脩鱗。自來連州寺。曾未造城闔。音日攜青雲客。探勝窮崖濱。太守邀不去。羣官請徒頻。囊無一金資。翻謂富者貧。昨日忽不見。我令訪其鄰。奔波自追及。把手問所因。顧我却興歎。君寧異於民。離合自古然。辭別安足珍。吾聞九疑好。夙志今欲伸。斑竹啼舜婦。清湘沈楚臣。

衡山與洞庭。此固道所循。尋崧方抵洛。歷華遂之秦。浮游靡定處。偶徃卽通津。吾言子當去。子道非吾遵。江魚不池活。野鳥難籠馴。吾非西方教。憐子狂且醇。吾嫉惰遊者。憐子愚且諄。去矣各異趣。何爲浪霑巾。

送靈師

佛法入中國。爾來六百年。齊民逃賦役。高士著幽禪。官吏不之制。紛紛聽其然。耕桑日失隸。朝署時遺賢。靈師皇甫姓。胤胄本蟬聯。少小涉書史。早能綴文篇。中間不得意。失跡成延遷。逸志不拘教。軒騰斷牽攀。圍碁鬪白黑。生死隨機權。六博在一擲。梟盧叱廻旋。戰詩誰與敵。浩汗橫戈鋌。音延飲酒盡百觥。嘲諧思逾鮮。有時醉花月。高唱清且緜。四

座咸寂默。杳如奏湘絃。尋勝不憚險。黔江屢洄沿。瞿塘五
六月。驚電讓歸船。怒水忽中裂。千尋墮幽泉。環廻勢益急。
仰見團團天。投身豈得計。性命甘徒捐。浪沫感翻涌。漂浮
再生全。同行二十人。魂骨俱坑填。靈師不掛懷。冒涉道轉
延。開忠二州牧。詩賦時多傳。失職不把筆。珠璣爲君編。強
留費日月。密席羅嬋娟。昨者至林邑。使君數開筵。逐客三
四公。盈懷贈蘭荃。湖游泛潏沅。溪宴駐潺湲。別語不許出。
行裾動遭牽。鄰州競招請。書札何翩翩。十月下桂嶺。乘寒
恣窺緣。落落王員外。爭迎獲其先。自從入賓館。占恡久能
專。吾徒頗攜被。接宿窮歡妍。聽說兩京事。分明皆眼前。縱
橫雜謠俗。瑣屑咸羅穿。材調真可惜。朱丹在磨研。方將歛

之道且欲冠其顛。韶陽李太守高步陵雲煙。得客輒忘食。
開囊乞繒錢。手持南曹叙字重青瑤。鑄古氣參彖繫高標。
摧太玄。維舟事干謁。披讀頭風痊。還如舊相識。傾壺暢幽
悃。以此復留滯。歸驂幾時鞭。

縣齋有懷

少小尚竒偉。平生足悲吒。

陟駕切

猶嫌子夏儒。肯學樊遲稼。

事業窺臯稷。文章蔑曹謝。濯纓起江湖。綴珮雜蘭麝。悠悠
指長道。去去策高駕。誰爲傾國媒。自許連城價。初隨計吏
貢。屢入澤宮射。雖免十上勞。何能一戰霸。人情忌殊異。世
路多權詐。蹉跎顏遂低。摧折氣愈下。冶長信非罪。侯生或
遭罵。懷書出皇都。銜淚渡清灞。身將老寂寞。志欲死閑暇。

朝食不盈腸。冬衣纔掩骼。

枯切

駕軍書既頻召。戎馬乃連跨。

大梁從相公。彭城赴僕射。弓箭圍狐兔。絲竹羅酒炙。兩府

變荒涼。三年就休假。求官去東洛。犯雪過西華。塵埃紫陌

春。風雨靈臺夜。名聲荷朋友。援引乏姻婭。雖陪彤庭臣。詎

縱青真靶。

霸音

寒空聳危闕。曉色曜脩架。捐軀辰在丁。鏃

晒音

翻時方措。

音

投荒誠職分。領邑幸寬赦。湖波翻日車。嶺石

坼天罅。毒霧恒熏晝。炎風每燒夏。雷威固已加。颶勢仍相

借。氣象杳難測。聲音吁可怕。夷言聽未慣。越俗循猶乍。指

摘兩憎嫌。睢盱互猜訝。祇緣恩未報。豈謂生足藉。嗣皇新

繼明。率土日流化。惟思滌瑕垢。長去事桑柘。斲

音

嵩開雲

扃。壓潁抗風榭。禾麥種滿地。梨棗栽繞舍。兒童稍長成。雀

鼠得驅嚇

音鱗

官租日輸納村酒時邀迓閑愛老農愚歸弄

小女姪

陟駕切

如今便可爾何用畢婚嫁

合江亭

江亭枕湘江蒸水會其左瞰臨眇空闊綠淨不可唾維昔
經營初邦君實王佐翦林遷神祠買地費家貨梁棟宏可
愛結構麗匪過伊人去軒騰茲宇遂頽挫老郎來何暮高
唱久乃和樹蘭盈九畹音宛栽竹逾萬个長綆汲滄浪幽蹊
下坎坷波濤夜俯聽雲樹朝對臥初如遺宦情終乃最郡
課人生誠無幾事往悲豈柰音懦蕭條縣歲時契闊繼庸懦
勝事誰復論醜聲日已播中丞黜凶邪天子閔窮餓君侯
至之初閭里自相賀淹滯樂閑曠勤苦勸慵惰爲余掃塵

階命樂醉衆座窮秋感平分新月憐半破願書巖上石勿

使泥塵浣

音臥

陪杜侍御遊湘西兩寺獨宿有題一首因獻楊常侍

長沙千里平勝地猶在險況當江闊處斗起勢匪漸深林
高玲瓏青山上琬琰路窮臺殿闕佛事煥且儼剖竹走泉
源開廊架崖_音巖是時秋之殘暑氣尚未斂羣行忘後先
困息棄拘檢客堂喜空涼華榻有清簟澗蔬煮蒿芹水果
剥菱芡_音儉伊余夙所慕陪賞亦云忝幸逢車馬歸獨宿門
不掩山樓黑無月漁火燦星點夜風一何喧杉檜屢磨颭
戰猶疑在波濤怵惕夢成魘靜思屈原沈遠憶賈誼貶
切椒蘭爭妬忌絳灌共讒諂誰令悲生腸坐使淚盈臉翻飛

韋文

韓文

卷之三

九

乏羽翼。指摘困瑕玷。珥音餌貂藩維重。政化類分陝。禮賢道
何優。奉已事苦儉。大厦棟方隆。巨川楫行剡。經營誠少暇。
遊宴固已歉。旅程愧淹留。徂歲嗟荏苒。平生每多感。柔翰
遇頻染。展轉嶺猿鳴。曙燈青耿耿。陝音

岳陽樓別竇司直

洞庭九州間。厥大誰與讓。南匯羣崖水。北注何奔放。瀦爲
七百里。吞納各殊狀。自古澄不清。環混無歸向。炎風日搜
攪。幽恠多冗長。軋音軒然大波起。宇宙隘而妨。訪音巍峩拔嵩
華。騰踔較健壯。聲音一何宏。轟輶音渴車萬兩。猶疑帝軒轅。
張樂就空曠。蛟螭露筍簾。綽練吹組帳。鬼神非人世。節奏
頗跌踢。蕩音陽施見誇麗。陰閉感悽愴。朝回宜春口。極北缺

堤障夜纜巴陵洲。叢芮纔可傍。星河盡涵泳。俯仰迷下上。
餘瀾怒不已。喧聒鳴甕盎。明登岳陽樓。輝煥朝日亮。飛廉
戢其威。清晏息纖纈。泓澄湛凝綠。物影巧相況。江豚時出
戲。驚波忽蕩瀆。時當冬之孟。隙竅縮寒漲。前臨指近岸。側
坐眇難望。滌濯神魂醒。幽懷舒以暢。主人孩童舊。握手乍
忻悵。憐我竄逐歸。相見得無恙。開筵交履舄。爛漫倒家釀。
杯行無停留。高柱送清唱。中盤進橙栗。投擲傾脯醬。歡窮
悲心生。婉孌不能忘。音念昔始讀書。志欲干霸王。屠龍破
千金。爲藝亦云亢。愛才不擇行。觸事得讒謗。前年出官日。
此禍最無妄。公卿採虛名。擢拜識天仗。姦猜畏彈射。斥逐
恣欺誑。新恩移府庭。逼側厠諸將。于嗟苦鶩緩。但恐失宜

當追思南渡時。魚腹甘所葬。嚴程迫風帆。劈箭入高浪。顛
沈在須臾。忠鯁誰復諒。生還真可喜。剋已自懲創。庶從今
日後。粗識得與喪。事多改前好。趣有獲新尚。誓耕十畝田。
不取萬乘相。細君知蠶織。稚子已能餉。行當掛其冠。生死
君一訪。

送文暢師北遊

昔在四門館。晨有僧來謁。自言本吳人。少小學城闕。已窮
佛根源。粗識事輓軌。羣拘屈吾具。戒轄思遠發。薦紳秉筆
徒。聲譽耀前閥。從求送行詩。屢造忍顛蹶。今成十餘卷。浩
汗羅斧鉞。先生閱窮巷。未得窺剖音厥。又聞識大道。何
路補剋剋。出其囊中文。蒲聽實清越。謂僧當少安。草序頗

排訐上論古之初所以施賞罰下開迷惑胸宰音孝豁劇株

槃音掘僧時不聽瑩若飲水救渴音謁風塵一出門時日多如

髮三年竄荒嶺守縣坐深樾音日徵租聚異物詭製怛巾鞵

幽窮共誰語思想甚含噦切於月昨來得京官照壁喜見蝎

歎音歎况逢舊親識無不比鸛音兼蟹音厥長安多門戶甲慶少休

歇而能勤來過重惠安可揭音切當今聖政初恩澤完許出

狻許月切胡為不自暇飄戾逐鸛鷹其月切僕射領北門威德

壓胡羯相公鎮幽都竹帛爛勲伐酒場舞閨妹獵騎圍邊

月開張篋中寶自可得津筏從茲富裘馬寧復茹藜藿余

期報恩後謝病老耕垡音代庇身指蓬茅逞志縱獫力驗切獬

僧還相訪來山藥煮可掘

荅張徹

辱贈不知報。我歌爾其聆。首叙始識面。次言後分形。道途
繇萬里。日月垂十齡。浚郊避兵亂。睢岸連門停。肝膽一古
劍。波濤兩浮萍。漬墨竄舊史。磨丹注前經。義苑手祕寶。文
堂耳驚霆。暄晨躡露舄。暑夕眠風櫺。結友子讓抗。請師我
慚丁。初味猶噉蔗。遂通斯建瓴。搜竒日有富。嗜善心無寧。
石梁平迤迤。音挺沙水光泠泠。乘枯摘野豔。沈細抽潛腥。遊
寺去陟巘。尋徑返穿汀。緣雲竹竦竦。失路麻冥冥。滛潦忽
翻野。平蕪眇開溟。防泄塹夜塞。懼衝城晝扃。及去事戎轡。
相逢宴軍伶。觥秋縱兀兀。獵旦馳駉駉。古螢切從賦始分手。
朝京忽同舲。音零急時促暗棹。戀月留虛亭。畢事驅傳馬。安

居守窻螢梅花灞水別宮燭驪山醒省選逮投足鄉賓尚

摧翎塵祛又一摻

所減切

淚背

責音

還雙榮洛邑得休告華山

窮絕陁

形音

倚岩睨海浪引袖拂天星日駕此迴轄金神所

司刑泉紳拖脩白石劒攢高青磴薛濤

闊音

拳跼

音局

梯颺颺

伶俜悔狂已咋

責音

指垂誠仍鐫銘峨豸忝備列伏蒲愧分

涇微誠慕橫草瑣力摧撞蓬

音廷

疊雪走商嶺飛波航洞庭

下險疑墮井守官類拘囚荒餐茹僚

音老

蠱幽夢感湘靈刺

史肅著蔡吏人沸蝗螟點綴簿上字趨蹌問前鈴賴其飽

山水得以娛瞻聽紫樹雕斐疊

音尾

碧流滴瓏玲映波鋪遠

錦挿地列長屏愁狄

余救切

酸骨死怪花醉魂馨潛苞絳實

坼幽乳翠毛零赦行五百里月變三十蕓漸階羣振鷺入

學誨蜎蛉。萃甘謝鳴鹿。罍滿慚罄餅。罔罔抱瑚璉。飛飛聯鵲鵠。魚鬣欲脫背。虬光先照硯。豈獨出醜類。方當動朝廷。勤來得晤語。勿憚宿寒廳。

薦士

周詩三百篇。雅麗理訓誥。曾經聖人手。議論安敢到。五言出漢時。蘇李首更號。東都漸瀰漫。派別百川導。建安能者七。卓犖變風操。逶迤抵晉宋。氣象日凋耗。中間數鮑謝。比近最清奧。齊梁及陳隋。衆作等蟬噪。搜春摘花卉。汨汨襲傷剽。盜國朝盛文章。子昂始高蹈。勃興得李杜。萬類困陵暴。後來相繼生。亦各臻閬奧。有窮者孟郊。受材實雄鶚。音傲真觀洞古今。象外逐幽好。橫空盤硬語。妥帖力排奭。敷柔肆

紆餘奮猛卷海潦榮華肖天秀捷疾逾響報行身踐規矩
甘辱耻媚竈孟軻分邪正眸子看瞭眊杳然粹而清可以
鎮浮躁酸寒溧陽尉五十幾何耄孜孜營甘旨辛苦久所
冒俗流知者誰指注競嘲傲聖皇索遺逸髦士日登造廟
堂有賢相愛遇均覆燾况承歸與張二公迭嗟悼青真送
吹噓強箭射魯縞胡爲久無成使以歸期告霜風破佳菊
嘉節迫吹帽念將決焉去感物增戀嫪盧到切彼微水中荇
尚煩左右芼音冒魯侯國至小廟鼎猶納郤幸當擇珉玉寧
有棄珪琕悠悠我之思擾擾風中燾音導上言愧無路日夜
惟心禱鶴翎不天生變化在啄抱薄報切通波非難圖尺地
易可漕善善不汲汲後時徒悔懊救死具八珍不如一簞

韓
犒微詩公勿誚愷悌神所勞

喜侯喜至贈張籍張徹

昔我在南時數君長在念搖搖不可止諷詠日喁音顒喁音喁

如以膏濯衣每漬垢逾染又如心中疾箴石非所砭波驗切

常思得遊處至死無倦厭地遐物竒怪水鏡涵石劒荒花

窮漫亂幽獸工騰閃礙目不忍窺忽忽坐昏墊逢神多所

祝豈忘靈卽驗依依夢歸路歷歷想行店今者誠自幸所

懷無一欠孟生去雖索侯氏來還歉歆眠聽新詩屋角月

豔豔雜作承閒騁交驚舌牙他念切續紛指瑕疵拒捍阻

城塹以余經摧挫固請發鈐槩居然妄推讓見謂藝天談

比踈語徒妍悚息不敢占呼奴具盤餐釘音釘餽音餽魚菜贍

人生但如此。朱紫安足僭。

古風

今日曷不樂。幸時不用兵。無曰旣蹙矣。乃尚可以生。彼州之賦去。汝不顧。此州之役去。我奚適。一邑之水。可走而違。天下湯湯。音傷曷其而歸。好我衣服。甘我飲食。無念百年。聊樂一日。

鴛驥

鴛駘誠齷齪。市者何其稠。力小苦易制。價微良易酬。渴飲一斗水。饑食一束芻。嘶鳴當大路。志氣若有餘。騏驥生絕域。自矜無匹儔。牽驅入市門。行者不爲留。借問價幾何。黃金比嵩丘。借問行幾何。咫尺視九州。饑食玉山禾。渴飲醴

泉流問誰能爲御。曠世不可求。惟昔穆天子。乘之極遐遊。
王良執其轡。造父挾其輶。因言天外事。茫惚使人愁。駑駘
謂騏驥。餓死余爾羞。有能必見用。有德必見收。孰云時與
命。通塞皆自由。騏驥不敢言。低徊但垂頭。人皆劣騏驥。共
以駑駘優。喟余獨興歎。才命不同謀。寄詩同心子。爲我商
聲謳。

馬馱穀

馬馱穀兮。士不馱糠粃。音紇土被文繡兮。士無裋褐。彼其得
志兮。不我虞。一朝失志兮。其何如已焉哉。嗟嗟乎鄙夫。

出門

長安百萬家。出門無所之。豈敢尚幽獨。與世實參差。古人

雖已死書上有其辭開卷讀且想千載若相期出門各有道我道方未夷且於此中息天命不吾欺

嗟哉董生行

淮水出桐柏山東馳遙遙千里不能休淝水出其側不能千里百里入淮流壽州屬縣有安豐唐貞元時縣人董生召南隱居行義於其中刺史不能薦天子不聞名聲爵祿不及門門外惟有吏日來徵租更索錢嗟哉董生朝出耕夜歸讀古人書盡日不得息或山而樵或水而漁入厨具甘旨上堂問起居父母不慙慙妻子不咨咨嗟哉董生孝且慈人不識惟有天翁知生祥下瑞無時期家有狗乳出求食雞來哺其兒啄啄庭中拾蟲蟻哺之不食鳴聲悲徬

韓文公集卷之二十一
一四
徨躑躅久不去。以翼來覆待狗歸。嗟哉董生誰將與儔。時
之人。夫妻相虐。兄弟爲讐。食君之祿。而令父母愁。亦獨何
心。嗟哉董生無與儔。

烽火

登高望烽火。誰謂塞塵飛。王城富且樂。曷不事光輝。勿言
日已暮。相見恐行稀。願君熟念此。秉燭夜中歸。我歌寧自
感。乃獨淚霑衣。

汴州亂二首

汴州城門朝不開。天狗墮地聲如雷。健兒爭誇殺留後。連
屋累棟燒成灰。諸侯咫尺不能救。孤士何者自興哀。
母從子走者爲誰。大夫夫人留後兒。昨日乘車騎大馬。坐

者起趨乘者下。廟堂不肯用干戈。嗚呼奈汝母子何。

利劍

利劍光耿耿。佩之使我無邪心。故人念我寡徒侶。持用贈我比知音。我心如冰劍如雪。不能刺讒夫。使我心腐劍鋒折。決雲中斷開青天。噫劍與我俱變化。歸黃泉。

齷齪

齷齪當世士。所憂在饑寒。但見賤者悲。不聞貴者歎。音大賢事業異。遠抱非俗觀。報國心皎潔。念時涕沆瀾。妖姬坐左右。柔指發哀彈。酒肴雖日陳。感激寧爲歡。秋陰欺白日。泥潦不少乾。河堤決東郡。老弱隨驚湍。天意固有屬。誰能詰其端。願辱太守薦。得充諫諍官。排雲叫閭闔。披腹呈琅

玕致君豈無術自進誠獨難

韓文卷之二終

韓文卷之三

古詩

河之水二首寄子姪老成

河之水去悠悠。我不如水東流。我有孤姪在海陬。三年不見兮。使我生憂。日復日夜復夜。三年不見汝。使我鬢髮未老而先化。

河之水悠悠去。我不如水東注。我有孤姪在海浦。三年不見兮。使我心苦。采蕨于山。緡魚于淵。我徂京師。不遠其還。

山石

山石_音皴确_音行徑微。黃昏到寺蝙蝠飛。昇堂坐階新雨足。芭蕉葉大支子肥。僧言古壁佛畫好。以火來照所見稀。鋪

牀拂席置羹飯。踈糲音臘亦足飽我饑。夜深靜臥百蟲絕。清
月出嶺光入扉。天明獨去無道路。出入高下窮煙霏。山紅
澗碧紛爛漫。時見松櫪皆十圍。當流赤足蹋澗石。水聲激
激風吹衣。人生如此自可樂。豈必局束爲人鞿。音嗟哉吾
黨二三子。安得至老不更歸。

天星送楊凝郎中賀正

天星牢落雞喔咿。僕夫起餐車載脂。正當窮冬寒未已。借
問君子行安之。會朝元正無不至。受命上宰須及期。侍從
近臣有虛位。公今此去歸何時。

汴泗交流贈張僕射

汴泗交流郡城角。築塲千步平如削。短垣三面繚逶迤。擊

鼓騰騰樹赤旗。新秋朝涼未見日。公早結束來何爲。分曹
決勝約前定。百馬攢蹄近相映。毬驚杖奮合且離。紅牛纓
紱黃金羈。側身轉臂著馬腹。霹靂應手神珠馳。超遙散漫
兩閒暇。揮霍紛紜爭變化。發難得巧意氣麤。謹聲四合壯
士呼。此誠習戰非爲劇。豈若安坐行良圖。當今忠臣不可
得。公馬莫走須殺賊。

忽忽

忽忽乎余未知生之爲樂也。願脫去而無因。安得長翮大
翼如雲生我身。乘風振奮出六合。絕浮塵死生哀樂兩相
棄。是非得失付閒人。

鳴鴈

嗷嗷鴻鴈鳴且飛窮秋南去春北歸去寒就暖識所依天
長地闊棲息稀風霜酸苦稻粱微毛羽摧落身不肥徘徊
反顧羣侶違哀鳴欲下洲渚非江南水闊朝雲多草長沙
軟無網羅閒飛靜集鳴相和違憂懷惠性匪他凌風一舉
君謂何

龍移

天昏地黑蛟龍移雷驚電激雄雌隨清泉百丈化爲土魚
鼈枯死吁可悲

雉帶箭

原頭火燒靜兀兀野雉畏鷹出復沒將軍欲以巧伏人盤
馬彎弓惜不發地形漸窄觀者多雉驚弓滿勁箭加衝人

决起百餘尺。紅翎白鏃相傾斜。將軍仰笑軍吏賀。五色離披馬前墮。

條山蒼

條山蒼。河水黃。浪波沄沄去。松柏在山岡。

贈鄭兵曹

罇酒相逢十載前。君爲壯夫我少年。罇酒相逢十載後。我爲壯夫君白首。我材與世不相當。戢鱗委翅無復望。當今賢俊皆周行。杭音君何爲乎亦遑遑。杯行到君莫停手。破除萬事無過酒。

桃源圖

神僊有無何眇芒。桃源之說誠荒唐。流水盤迴山百轉。生

綃數幅垂中堂。武陵太守好事者。題封遠寄南宮下。南宮
先生忻得之。波濤入筆驅文辭。文工畫妙各臻極。異境恍
惚移於斯。架巖鑿谷開宮室。接屋連牆千萬日。羸顛劉蹶
了不聞。地圻天分非所恤。種桃處處惟開花。川原近遠蒸
紅霞。初來猶自念鄉邑。歲久此地還成家。漁舟之子來何
所。物色相猜更問語。大蛇中斷喪前王。羣馬南渡開新主。
聽終辭絕共悽然。自說經今六百年。當時萬事皆眼見。不
知幾許猶流傳。爭持酒食來相饋。禮數不同樽俎異。月明
伴宿玉堂空。骨冷魂清無夢寐。夜半金雞鳴。音嘶切鵲鳴。
火輪飛出客心驚。人間有累不可住。依然離別難爲情。船
開棹進一廻顧。萬里蒼蒼煙水暮。世俗寧知僞與真。至今

大魚池

[illegible]

音雞二號平聲更五點。

卷之八

軌音亟朝出開明光胡

--	--

贈侯喜

吾黨侯生字叔起。呼我持竿釣溫水。平明鞭馬出都門。盡
日行行荆棘裏。溫水微茫絕又流。深如車轍闊容輶。蝦蟆
跳過雀兒浴。此縱有魚何足求。我爲侯生不能已。盤針擘
粒投泥滓。晡時堅坐到黃昏。手倦目勞方一起。暫動還休
未可期。蝦行蛭音質渡似皆疑。舉竿引線忽有得。一寸纔分
鱗與鬚。是日侯生與韓子。良久歎息相看悲。我今行事盡
如此。此事正好爲吾規。半世遑遑就舉選。一名始得紅顏
衰。人間事勢豈不見。徒自辛苦終何爲。便當提攜妻與子。
南入箕潁無還時。叔起君今氣方銳。我言至切君勿嗤。君
欲釣魚須遠去。大魚豈肯居沮洳。去聲

古意

太華峰頭玉井蓮。開花十丈藕如船。冷比雪霜甘比蜜。一片入口沈痾痊。我欲求之不憚遠。青壁無路難夤緣。安得長梯上摘實。下種七澤根株連。

八月十五夜贈張功曹

纖雲四卷天無河。清風吹空月舒波。沙平水息聲影絕。一杯相屬竹音君當歌。君歌聲酸辭且苦。不能聽終淚如雨。洞庭連天九疑高。蛟龍出没猩鼯音號。十生九死到官所。幽居默默如藏逃。下牀畏蛇食畏藥。海氣濕蟄熏腥臊。昨者州前擗大鼓。嗣皇繼聖登夔臯。赦書一日行萬里。罪從大辟皆除死。遷者追廻流者還。滌瑕蕩垢朝清班。州家申名

使家抑坎軻。祗得移荆蠻。判司卑官不堪說。未免捶楚塵埃間。同時輩流多上道。天路幽險難追攀。君歌且休聽我歌。我歌今與君殊科。一年明月今宵多。人生由命非由他。有酒不飲奈明何。

謁衡嶽廟遂宿嶽寺題門樓

五嶽祭秩皆三公。四方環鎮嵩當中。火維地荒足妖怪。天假神柄專其雄。噴雲泄霧藏半腹。雖有絕頂誰能窮。我來正逢秋雨節。陰氣晦昧無清風。潛心默禱若有應。豈非正直能感通。須臾靜掃衆峰出。仰見突兀撐青空。紫蓋連延接天柱。石廩騰擲堆祝融。森然魄動下馬拜。松柏一逕趨靈宮。粉牆丹柱動光彩。鬼物圖畫填青紅。升墀偃僂薦脯

酒欲以菲薄明其衷。廟令老人識神意。睢盱偵丑鄭切伺能。
鞠躬手持杯。攻導我擲。云此最吉。餘難同。竄逐蠻荒。幸不
死。衣食纔足。甘長終。侯王將相望。久絕。神縱欲福。難爲功。
夜投佛寺。上高閣。星月掄映雲。瞳朧猿鳴鐘。動不知曙。杲
杲寒日生於東。

峒嶼山

峒

音矩

嶼

音縷

山尖神禹碑。字青石赤形模竒。科斗拳身薤倒

披。鸞飄鳳泊拏虎螭。事嚴跡秘鬼莫窺。道人獨上偶見之。
我來咨嗟涕漣漉。千搜萬索何處有。森森綠樹猿猱音撓悲。

永貞行

君不見太皇諒陰未出令。小人乘時偷國柄。北軍百萬虎

與貌天子自將非他師一朝奪印付私黨懍懍朝士何能

爲狐鳴梟噪爭署置

賜

音釋

睽

音閃

跳

音迢

跟

音梁

相嫵媚

夜作詔

書朝拜官超資越序曾無難公然白日受賄賂火齊

音齋

磊

落堆金盤元臣故老不敢語晝臥涕泣何汎瀾董賢三公

誰復惜侯景九錫行可歎國家功高德且厚天位未許庸

夫于嗣皇卓犖信英主文如太宗武高祖膺圖受禪登明

堂共流幽州鯨死羽四門肅穆賢俊登數君匪親豈其朋

郎官清要爲世稱荒郡迫野嗟可矜湖波連天日相騰蠻

俗生梗瘴癘丞江氛嶺侵

音浸

昏若凝

一蛇兩頭見未曾怪

鳥鳴喚令人憎

蠱蟲羣飛

夜撲燈

雄虺毒螫

音釋

墮股肱

食

中置藥肝心崩左右使令詐難憑慎勿浪信常兢兢吾嘗

同僚情可勝。具書目見非。妄徵嗟爾旣。往宜爲懲。

洞庭湖阻風贈張十一署

十月陰氣盛。北風無時休。蒼茫洞庭岸。與子維雙舟。霧雨晦爭泄。波濤怒相投。犬雞斷四聽。糧絕誰與謀。相去不容步。險如礙山丘。清談可以飽。夢想接無由。男女喧左右。饑啼但啾啾。非懷北歸興。何用勝羈愁。雲外有白日。寒光自悠悠。能令暫開霽。過是吾無求。

李花贈張十一署

江陵城西二月尾。花不見桃惟見李。風揉雨練雪羞比。波濤翻空杳無涖。君知此處花何似。白花倒燭天夜明。羣雞驚鳴官吏起。金烏海底初飛來。朱輝散射青霞開。迷魂亂

眼看不得照耀萬樹繁如堆。念昔少年著遊燕。對花豈省
曾辭杯。自從流落憂感集。欲去未到先思迴。祇今四十已
如此。後日更老誰論哉。力攜一罇獨就醉。不忍虛擲委黃
埃。

杏花

居鄰北郭古寺空。杏花兩株能白紅。曲江滿園不可到。看
此寧避雨與風。二年流竄出嶺外。所見草木多異同。冬寒
不嚴地恒泄。陽氣發亂無全功。浮花浪蘂鎮長有。纔開還
落瘴霧中。山榴躑音躑逐音逐少意思。照耀黃紫徒爲叢。鷓鴣
鉤輒猿呌歇。杳杳深谷攢青楓。豈如此樹一來翫。若在京
國情何窮。今旦胡爲忽惆悵。萬片飄泊隨西東。明年更發

應更好道人莫忘鄰家翁。

感春四首

我所思兮在何所。情多地遐兮徧處處。東西南北皆欲往。
千江隔兮萬山阻。春風吹園雜花開。朝日照屋百鳥語。三
杯取醉不復論。一生長恨奈何許。

皇天平分成四時。春氣漫誕最可悲。雜花糝林草蓋地。白
日座上傾天維。蜂喧鳥咽留不得。紅萼萬片從風吹。豈如
秋霜雖慘冽。摧落老物誰惜之。爲此徑須沽酒飲。自外天
地棄不疑。近鄰老杜無檢束。爛漫長醉多文辭。屈原離騷
二十五。不肯餽啜糟與醯。惜哉此子巧言語。不到聖處寧
非癡。幸逢堯舜明四目。條理品彙皆得宜。平明出門暮歸

舍酪酏馬上知爲誰。

朝騎一馬出。暝就一牀臥。詩書漸欲拋。節行久已惰。冠欹

感髮禿。語誤驚齒墮。孤負平生心。已矣知何奈。

音儒

我恨不如江頭人。長網橫江遮紫鱗。獨宿荒陂射鳬鴈。賣
納租賦官不嗔。歸來歡笑對妻子。衣食自給寧羞貧。今者
無端讀書史。智慧只足勞精神。畫蛇著足無處用。兩鬢雪
白趨埃塵。乾愁漫解坐自累。與衆異趣誰相親。數杯澆腸
雖暫醉。皎皎萬慮醒還新。百年未滿不得死。且可勤買拋
青春。

寒食日出遊

李花初發君始病。我往看君花轉盛。走馬城西惆悵歸。不

忍千株雪相映。邇來又見桃與梨。交開紅白如爭競。可憐
物色阻攜手。空展霜縑兼音吟九詠。紛紛落盡泥與塵。不共
新糝比端正。桐華最晚。今已繁。君不強起時難更。關山遠
別固其理。寸步難見始知命。憶昔與君同貶官。夜渡洞庭
看斗柄。豈料生還得一處。引袖拭淚悲且慶。各言生死兩
追隨。直置心親無貌敬。念君又署南荒吏。路指鬼門幽且
憂。三公盡是知音人。曷不薦賢陛下聖。囊空甕倒誰救之。
我今一食日還併。自然憂氣損天和。安得康強保天性。斷
鶴兩翅鳴何哀。繫驥四足氣空橫。去聲今朝寒食行野外。綠
楊市岸蒲牙迸。宋玉庭邊不見人。輕浪參差魚動鏡。自嗟
孤賤足瑕疵。特見放縱荷寬政。飲酒寧嫌觥底深。題詩尚

倚筆鋒勁明宵故欲相就醉有月莫愁當火令

憶昨行和張十一

憶昨夾鍾之呂初吹灰上公禮罷元侯迴車載牲牢甕舁
音酒並召賓客延鄒枚腰金首翠光照耀絲竹迴發清以
哀青天白日花草麗玉笋屢舉傾金壘張君名聲座所屬
起舞先醉長松摧宿醒未解舊店作深室靜臥聞風雷自
期殞命在春序屈指數日憐嬰孩危辭苦語感我耳淚落
不揜何漼漼祖回切念昔從君渡湘水大帆夜劃窮高桅陽
山鳥路出臨武驛馬拒地驅頻隤踐蛇茹蠱不擇死忽有
飛詔從天來音任文未揃音崖州熾雖得赦宥恒愁猜近者
三姝悉破碎羽窟無底幽黃能奴來切眼中了了見鄉國知

有歸日眉方開。今君縱署天涯吏。投檄北去何難哉。無妄之憂勿藥喜。一善自足攘千災。頭輕目朗肌骨健。古劒新斲磨塵埃。殃銷禍散百福併。從此直至耆與鮐。音台嵩山東頭伊洛岸。勝事不假須穿栽。君當先行我待滿。沮溺可繼窮年推。

韓文卷之三終

文選

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some faint smudges and discoloration, characteristic of old paper. The left edge of the page shows the binding, with visible stitching or thread. There is no text or other markings on the page.



韓文卷之四

古詩

劉生詩

生名師命其姓劉自少軒輊非常儔棄家如遺來遠遊東
走梁宋暨揚州遂凌大江極東陬洪濤春天禹穴幽越女
一笑三年留南逾橫嶺入炎州青鯨高磨波山浮怪魅炫
曜堆蛟虬山獐音驤謹譟猩猩游毒氣爍體黃膏流問胡不
歸良有由美酒傾水角音梔肥牛妖歌慢舞爛不收倒心迴
腸爲青眸千金邀顧不可酬乃獨遇之盡綢繆音徹瞥然一
餉成十秋昔鬚未生今白頭五管徧歷無賢侯迴望萬里
還家羞陽山窮邑惟猿猴手持釣竿遠相投我爲羅列陳

前修芟蒿斬蓬利鋤耨天星廻環數纔周文學穰穰困去輪
切倉稠車輕御良馬力優咄哉識路行勿休往取將相酬
恩讐

鄭羣贈簞

蘄州笛竹天下知鄭君所寶尤瓌竒攜來當晝不得臥一
府傳看黃琉璃體堅色淨又藏節盡眼凝滑無瑕疵法曹
貧賤衆所易腰腹空大何能爲自從五月困暑濕如坐深
甑遭蒸炊手磨袖拂心語口慢膚多汗真相宜日暮歸來
獨惆悵有賣直欲傾家資誰謂故人知我意卷送八尺含
風漪音衣呼奴掃地鋪未了光彩照耀驚童兒青蠅側翅蚤
蟲避肅肅疑有清飈吹倒身甘寢百疾愈却願天日恒炎

曦明珠清玉不足報贈子相好無時衰

豐陵行

羽衛煌煌一百里曉出都門葬天子羣臣雜沓馳後先官穰穰來不已是時新秋七月初金神按節炎氣除清風飄飄輕雨灑偃蹇旂旆卷以舒逾梁下坂笳鼓咽音嶠遂走玄宮間哭聲音切天百鳥噪幽坎晝閉空靈輿皇帝孝心深且遠資送禮備無贏餘設官置衛鎖嬪妓供養朝夕象平居臣聞神道尚清淨三代舊制存諸書墓藏廟祭不可亂欲言非職知何如

遊青龍寺贈崔太補闕

秋灰初吹季月管日出卯南暉景短友生招我佛寺行正

值萬株紅葉滿。光華閃壁見神鬼。赫赫炎官張火傘。然雲
燒樹火。實駢金鳥下。啄贖音權虬卵。魂翻眼倒忘處所。赤氣
冲融無間斷。有如流傳上古時。九輪照燭乾坤旱。二三道
士席其間。靈液屢進頗黎盃。音碗忽驚顏色變韶稚。却信靈
僊非怪誕。桃源迷路竟茫茫。棗下悲歌徒纂纂。前年嶺隅
鄉思發。躑躅成山開不筭。去歲羈帆湘水明。霜楓千里隨
歸伴。猿呼鼯嘯鷓鴣啼。側耳酸腸難濯澣。思君攜手安能
得。今者相從敢辭懶。由來鈍騃音矮寡參尋。况是儒官飽閒
散。惟君與我同懷抱。鋤去陵谷置平坦。年少得途未要忙。
時清諫疏尤宜罕。何人有酒身無事。誰家多竹門可欵。須
知節候卽風寒。幸及亭午猶妍暖。南山逼冬轉清瘦。刻畫

主角出崖窾

音款

當憂復被冰雪埋。汲汲來窺誠遲緩。

贈崔立之評事

崔侯文章苦捷敏。高浪駕天輸不盡。曾從關外來上都。隨身卷軸車連軫。朝爲百賦猶鬱怒。暮作千詩轉適賤。搖毫擲簡自不供。頃刻青紅浮海蜃。音賢才豪氣猛易語言。往往蛟螭雜螻蚓。知音自古稱難遇。世俗乍見那妨哂。勿嫌法官未登朝。猶勝赤尉長趨尹。時命雖乖心轉壯。技能虛富家逾窘。念昔塵埃兩相逢。爭名齟齬持矛楯。子時專場誇紫距。余始張軍嚴韞韞。音憲韞音引爾來但欲保封疆。莫學龐涓怯孫臏。竄逐新歸厭聞鬧。齒髮早衰嗟可閔。頻蒙怨句刺棄遺。豈有閒官敢推引。深藏篋笥時一發。戢戢已多如束

筍可憐無益費精神。有似黃金擲虛牝。當今聖人求侍從。
拔擢杞梓收_音箘_音。東馬嚴徐已奮飛。枚臯卽召窮且
忍。復聞王師西討蜀。霜風冽冽摧朝箘_音。走章馳檄在得
賢。燕雀紛拏要鷹隼。竊料二塗必處一。豈比恒人長蠢蠢。
勸君韜養待徵招。不用雕琢愁肝腎。牆根菊花好沽酒。錢
帛縱空衣可準。暉暉簷日暖且鮮。撼撼_{山責切}井梧踈更殞。
高士例須憐麴蘖。丈夫終莫生哇畛。能來取醉任喧呼。死
後賢愚俱泯泯。

送區弘南歸

穆昔南征軍不歸。蟲沙猿鶴伏以飛。洶洶洞庭莽翠微。九
疑鑱天荒是非。野有象犀水貝璣。分散百寶人士稀。我遷

于南日周圍來見者衆莫依稀爰有區子熒熒暉觀以彛
訓或從違我念前人譬封非落以斧引以纆音墨徽雖有不
逮驅駢駢或採于薄漁于磯服役不辱言不譏從我荊州
來京畿離其母妻絕因依嗟我道不能自肥子雖勤苦終
何希王都觀音貫闕雙巍巍騰跼衆駿事鞍韉佩服上色紫
與緋獨子之節可嗟唏母附書至妻寄衣開書拆衣淚痕
晞雖不勅還情庶幾朝暮盤羞惻庭闈幽房無人感伊威
人生此難餘可祈子去矣時若發機蜃沈海底氣昇霏彩
雉野伏朝扇輦處子窈窕王所妃苟有令德隱不腓音肥况
今天子鋪德威蔽能者誅薦受機出送撫背我涕揮行行
正直慎脂韋業成志樹來頎頎音祈我當爲子言天扉

三星行

我生之辰月宿南斗牛奮其角箕張其口牛不見服箱斗
不挹酒漿箕獨有神靈無時停簸揚無善名已聞無惡聲
已謹名聲相乘除得失少有餘三星各在天什伍東西陳
嗟汝牛與斗汝獨不能神

剥啄行

剥剥啄啄有客至門我不出應客去而嗔從者語我子胡
爲然我不厭客困于語言欲不出納以堙其源空堂幽幽
有^音枯^音有^音莞^音門以兩板叢書於間窅窅^音深塹其墻甚
完彼寧可隳此不可干從者語我嗟子誠難子雖云爾其
口益蕃我爲子謀有萬其全凡今之人急名與官子不引

去與爲波瀾。雖不開口。雖不開關。變化咀嚼。有鬼有神。今去不勇。其如後艱。我謝再拜。汝無復云。往追不及。來不有年。

青青水中蒲三首

青青水中蒲。下有一雙魚。君今上隴去。我在與誰居。
青青水中蒲。長在水中居。寄語浮萍草。相隨我不如。
青青水中蒲。葉短不出水。婦人不下堂。行子在萬里。

孟東野失子 并序

東野連產三子。不數日輒失之。幾老念無後。以悲其友人昌黎韓愈懼其傷也。推天假其命以喻之。

失子將何尤。吾將上尤天。女實主下人。與奪一何偏。彼於

女何有。乃令蕃且延。此獨何罪辜。生死旬日間。上呼無時。聞滴地淚。到泉地祇爲之悲。瑟縮久不安。乃呼大靈龜騎。雲欸天門。問天主下人。薄厚胡不均。天曰。天地人由來不相關。吾懸日與月。吾繫星與辰。日月相噬嚙。星辰踣音而顛。吾不女之罪。知非女由緣。且物各有分。孰能使之然。有子與無子。禍福未可原。魚子滿母腹。一一欲誰憐。細腰不自乳。舉族長孤鰥。鴟梟啄母腦。母死子始翻。蝮蛇生子時。坼裂腸與肝。好子雖云好。未還恩與勤。惡子不可說。鴟梟蝮蛇然。有子且勿喜。無子固勿歎。上聖不待教。賢聞語而遷。下愚聞語惑。雖教無由悛。大靈頓頭受。卽日以命還。地祇謂大靈女。往告其人。東野夜得夢。有夫玄衣巾。闖音然

入其戶三稱天之言再拜謝玄夫收悲以歡忻

陸渾山火和皇甫湜用其韻

皇甫補官古陸渾時當玄冬澤乾源山狂谷狠相吐吞風
怒不休何軒軒擺磨出火以自燔有聲夜中驚莫原天跳
地踔顛乾坤赫赫上照窮崖垠截然高周燒四垣神焦鬼
爛無逃門三光弛隳不復暾音敦虎熊麋豬逮猴猿水龍鼉
龜魚與黿鴉鴟鵂鵂雉鵠鵠燭音前包煨燂於切刀孰飛奔祝
融告休酌卑尊錯陳齊玫音梅闢華園芙蓉披猖塞鮮繁千
鍾萬鼓咽耳喧攢雜啾噉音獲沸箴塤彤幢絳旃紫纛音導旛
炎官熱屬朱冠禪音昆髹音休其肉皮通胔音陟臀音屯頽曾垤腹
車掀轅緹顏韎莫拜切股豹兩韃音堅霞車紅蚓日轂輶丹旌

縵

七絹切

蓋緋繡帟

音鴛

紅帷赤幕羅脈

音蜃

益

音荒

池波風肉

陵屯

谿呀

虛加切

鉅壑頗黎盆豆登五山瀛四鑄熙熙醺

切

醺

笑語言

雷公擘

山海

水翻

齒牙

嚼齧

舌腭

反

音翻

電光

礧

先念切

礧

徒念切

賴

目暖

音暄

項

真

收

威

避玄根

厥

孫

縮身

潛喘

拳肩

跟君

臣相

憐加

愛恩

命黑

螭

音偵

其元

天闕

悠悠

不可

援

夢通

上帝

血面

論側

身欲

進

叱於

閭

帝賜

九河

音箭

湔

涕痕

又詔

巫陽

反其

魂徐

命之

前問

何

冤

火行

於冬

古所

存我

如禁

之絕

其殮

女丁

婦壬

傳世

婚

一朝

結讐

奈後

昆時

行當

反慎

藏蹲

視桃

著花

可小

騫月

及

申酉

利復

怨助

汝五

龍從

九鯤

溺厥

邑囚

之崑

崙皇

甫

作

詩止

睡昏

辭誇

出真

遂上

焚要

余和

增怪

又煩

雖欲

悔

舌不可捫。

縣齋讀書

出宰山水縣。讀書松桂林。蕭條捐末事。邂逅得初心。哀狃醒俗耳。清泉潔塵襟。詩成有共賦。酒熟無孤斟。青竹時默釣。白雲日幽尋。南方本多毒。北客恒懼侵。謫譴甘自守。滯留愧難任。投章類編帶。佇荅逾兼金。

新竹

筍添南堦竹。日日成清閤。縹節已儲霜。黃苞猶揜翠。出欄抽五六。當戶羅三四。高標陵秋嚴。貞色奪春媚。稀生巧補林。併出疑爭地。縱橫乍依行。爛漫忽無次。風枝未飄吹。露粉先溼淚。何人可攜翫。清景空瞪視。

晚菊

少年飲酒時。踴躍見菊花。今來不復飲。每見恒咨嗟。佇立摘滿手。行行把歸家。此時無與語。棄置奈悲何。

落齒

去年落一牙。今年落一齒。俄然落六七。落勢殊未已。餘存皆動搖。盡落應始止。憶初落一時。但念豁可耻。及至落二三。始憂衰。卽死。每一將落時。慄慄恒在已。义牙妨食物。顛倒怯漱水。終焉捨我落。意與崩山比。今來落旣熟。見落空相似。餘存二十餘。次第知落矣。儻常歲落一。自足支兩紀。如其落併空。與漸亦同指。人言齒之落。壽命理難恃。我言生有涯。長短俱死爾。人言齒之豁。左右驚諦視。我言莊周

云木鴈各有喜。語訛默固好。嚼廢軟還美。因歌遂成詩。時用詫妻子。

哭楊兵部凝陸歙州參

人皆期七十。纔半豈蹉跎。併出知己淚。自然白髮多。晨興爲誰慟。還坐久滂沱。論文與晤語。已矣可如何。

苦寒

四時各平分。一氣不可兼。隆冬奪春序。顓頊固不廉。太昊弛維綱。畏避但守謙。遂令黃泉下。萌芽天勾尖。草木不復抽。百味失苦甜。凶飈攪宇宙。鋌刃甚割砭。音邊日月雖云尊。不能活鳥蟾。羲和送日出。恒怯頻窺覘。切炎帝持祝融。呵噓不相炎。而我當此時。恩光何由沾。肌膚生鱗甲。衣被

如刀鑱氣寒鼻莫艱血凍指不拈濁醪沸入喉口角如銜
箝將持七箸食觸指如排籤侵鑪不覺暖熾炭屢已添探
湯無所益何況纊與縑虎豹僵穴中蛟螭死幽潛癸惑喪
纏次六龍冰脫髯芒碭音大包内生類恐盡殲啾啾窻間
雀不知已微纖舉頭仰天鳴所願晷刻淹不如彈射死却
得親魚燂鸞皇苟不存爾固不在占其餘蠢動儔俱死誰
恩嫌伊我稱最靈不能女覆苦悲哀激憤歎五藏難安恬
中宵倚牆立淫淚何漸漸音天王哀無辜惠我下顧瞻褰
旒去耳纊調和進梅鹽賢能日登御黜彼傲與儉生風吹
死氣豁達如褰簾懸乳零落墮晨光入前簷雪霜頓銷釋
土脉膏且黏豈徒蘭蕙榮施及艾與蒹日萼行鑠鑠風條

坐檐檐

處占切

天乎苟其能吾死意亦厭

和虞部盧四酬翰林錢七赤藤杖歌

赤藤爲杖世未窺臺郎始攜自滇池滇王掃宮避使者跪

進再拜語

乙骨切

咿繩橋挂過免傾墮性命造次蒙扶持

途經百國皆莫識君臣聚觀逐旌麾共傳滇神出水獻赤

龍拔鬚血淋漓又云羲和操火鞭瞋到西極睡所遺幾重

包裹自題署不以珍怪誇荒夷歸來捧贈同舍子浮光照

手欲把疑空堂晝眠倚牖戶飛電著壁搜蛟螭南宮清深

禁闥密唱和有類吹埙篪妍辭麗句不可繼見寄聊且慰

分司

崔十六少府攝伊陽以詩及書見投因酬三十韻

崔君初來時相識頗未慣但聞赤縣尉不比博士慢賃屋
得連牆往來忻莫間我時亦新居觸事苦難辦蔬殮要同
喫破襖請來綻謂言安堵後貸借迹音更何患不知孤遺多
舉族仰薄宦有時未朝餐得米日已晏隔牆聞謹呼衆口
極鵠鴈前計頓乖張居然見真贗嬌兒好眉眼袴脚凍兩
胛下晏切捧書隨諸兄累累音雷兩角巾古患切冬惟茹寒齏秋
始識瓜瓣問之不言饑飫若厭芻豢才名三十年久合居
給諫白頭趨走裏閉口絕謗訕府公舊同袍拔擢宰山澗
寄詩雜詠俳步皆切有類說鵬鷃上言酒味酸冬衣竟未爨
音患下言人吏稀惟足彪與彪音棧又言致豬鹿此語乃善幻
三年國子師腸肚習藜藿况住洛之涯魴音房鱖才本切可罩

汕

汕音訕

肯效屠門嚼久嫌弋者篡謀拙日焦拳活計似鋤刈

鏹

鏹音鏹

男寒澁詩書妻瘦剩腰襷音盼爲官不事職厥罪在欺謾

行當自効去漁釣老葭蘆

五患切

歲窮寒氣驕冰雪滑磴棧

音問難屢通何由覲清盼

送侯叅謀赴河中幕

憶昔初及第各以少年稱君願始生鬚我齒清如冰爾時
心氣壯百事謂已能一別詎幾何忽如隔晨興我齒豁可
鄙君顏老可憎相逢風塵中相視迭嗟矜幸同學省官末
路再得朋東司絕教授遊宴以爲恒秋漁蔭密樹夜博然
明燈雪逕抵樵叟風廊折談僧陸渾桃花間有湯沸如烝
三月崧少步躑躅紅千層洲沙厭晚坐嶺壁窮晨昇沉冥

不計日爲樂不可勝遷滿一已異乖離坐難憑行行事結

束人馬何躋

其畧切

騰感激生膽勇從軍豈嘗曾洗洗音司

徒公天子爪與肱提師十萬餘四海欽風稜河北兵未進

蔡州帥新薨曷不請掃除活彼黎與烝鄙夫誠怯弱受恩

愧徒弘猶思脫儒冠棄死取先登又欲面言事上書求詔

徵侵官固非是妄作譴可懲惟當待責免耕斲歸溝塍音乘

今君得所附勢若脫韉音鉤鷹檄筆無與讓幕謀職其膺收

績開史牒翰飛逐溟鵬男兒貴立事流景不可乘歲老陰

沴

音庚

作雲頽雪翻崩別袖拂落水征車轉峻陵勤勤酒不

進勉勉恨已仍送君出門歸愁腸若牽繩默坐念語笑癡

如遇寒蠅策馬誰可適晤言誰爲應席塵惜不掃殘罇對

空凝信知後會時。日月屢環紉。居登切生期理行役。歡緒絕難承。寄書惟在頻。無恡簡與繒。

東都遇春

少年氣真狂。有意與春競。行逢二三月。九州花相映。川原

曉服鮮桃李。晨糝靚荒乘。不知疲。醉死豈辭病。飲噉徒感切

惟所便。文章倚豪橫。爾來曾幾時。白髮忽滿鏡。舊游喜乖

張。新輩足嘲評。音病心腸一變化。羞見時節盛。得閒無所作。

貴欲辭視聽。深居疑避仇。默臥如當瞑。朝曦入牖來。鳥喚

昏不醒。爲生鄙計筭。鹽米告屢罄。坐疲都忘起。冠側懶復

正。幸蒙東都官。獲離機與弇。乖慵遭傲僻。漸染生弊性。旣

去焉能追。有來猶莫聘。有船魏王池。往往縱孤泳。水容與

天色此處皆綠淨。岸樹共紛披。渚牙相緯經。音懷歸苦不。
果卽事取幽。迸貪求匪名利。所得亦已併。悠悠度朝昏。落
落捐季子。孟羣公。一何賢。上戴天子聖。謀謨收禹績。四面出
雄勁。轉輸非不勤。稽逋有軍令。在庭百執事。奉職各祗敬。
我獨胡爲哉。坐與億兆慶。譬如籠中鳥。仰給活性命。爲詩
告友生。負愧終究竟。

感春五首

辛夷高花最先開。青天露坐始此迴。已呼孺人戛鳴瑟。更
遣稚子傳清杯。選壯軍興不爲用。坐狂朝論無由陪。如今
到死得閒處。還有詩賦歌康哉。

洛陽東風幾時來。川波岸柳春全迴。宮門一鎖不復啓。雖

有九陌無塵埃策馬上橋朝日出樓閣赤白正崔嵬孤吟
屢闕莫與和寸恨至短誰能裁

春田可耕時已催王師北討何當迴放車載草農事濟戰
馬苦饑誰念哉蔡州納節舊將死起居諫議聯翩來朝廷
未省有遺策肯不垂意鉞與壘

前隨杜尹拜表迴笑言溢口何歡哈

呼來切

孔丞別我適臨

汝風骨峭峻遺塵埃音容不接祇隔夜凶計詎可相尋來
天公高居鬼神惡欲保性命誠難哉

辛夷花房忽全開將衰正盛須頻來清晨輝輝燭霞日薄
暮耿耿和煙埃朝明夕暗已足歎况乃滿地成摧頽迎繁
送謝別有意誰肯留念少環迴

酬裴十六功曹巡府西驛塗中見寄

相公罷論道。聿至活東人。御史坐言事。作吏府中塵。遂令河南治。今古無儔倫。四海日富庶。道途隘蹄輪。府西三百里。候館同魚鱗。相公謂御史。勞子去自巡。是時山水秋光景。何鮮新。哀鴻鳴清耳。宿霧塞高旻。遺我行旅詩。軒軒有風神。譬如黃金盤。照耀荆璞真。我來亦已幸。事賢友其仁。持竿洛水側。孤坐屢窮辰。多才自勞苦。無用祇因循。辭免期匪遠。行行及山春。

燕河南府秀才

吾皇紹祖烈。天下再太平。詔下諸郡國。歲貢鄉曲英。元和五年冬。房公尹東京。功曹上言公。是月當登名。乃選二十

縣試官得鴻生。羣儒負已材。相賀簡擇精。怒起簸羽翮。引
吭吐鏗轟。此都自周公。文章繼名聲。自非絕殊尤。難使耳
目驚。今者遭震薄。不能出聲鳴。鄙夫忝縣尹。愧慄難爲情。
惟求文章寫。不敢妬與爭。還家救妻兒。具此煎烹烹。柿紅
蒲萄紫。肴果相扶檠。芳茶出蜀門。好酒濃且清。何能充歡
燕。庶以露厥誠。昨聞詔書下。權公作邦楨。文人得其職。文
道當大行。陰風攪短日。冷雨澁不晴。勉哉戒徒馭。家國遲
音治子榮。

送李翱

廣州萬里途。山重江逶迤。行行何時到。誰能定歸期。揖我
出門去。顏色異恒時。雖云有追送。足跡絕自茲。人生一世

韓文
卷之四
間不自張與施譬如浮江木縱橫豈自知寧懷別時苦勿作別後思

送石處士赴河陽幕

長把種樹書人云避世士忽騎將軍馬自號報恩子風雲入壯懷泉石別幽耳鉅鹿師欲老常山險猶恃豈惟彼相憂固是吾徒恥去去事方急酒行可以起

送湖南李正字歸

長沙入楚深洞庭值秋晚人隨鴻鴈少江共蒹葭遠歷歷余所經悠悠子當返孤遊懷耿介旅宿夢婉婉風土稍殊音魚蝦日異飯親交俱在此誰與同息偃

韓文卷之四終

韓文卷之五

古詩

辛卯年雪

元和六年春寒氣不肯歸河南二月末雪花一尺圍崩騰
相排拶音雜龍鳳交橫飛波濤何飄揚天風吹旛旂白帝盛
羽衛音參髮音沙振裳衣白霓先啓途從以萬王妃翕翕陵
厚載譁譁弄陰機生平未曾見何暇議是非或云豐年祥
飽食可庶幾善禱吾所慕誰言寸誠微

醉留東野

昔年因讀李白杜甫詩長恨二人不相從吾與東野生並
世如何復躡二子蹤東野不得官白首誇龍鍾韓子稍姦

黠自慚青蒿倚長松。低頭拜東野。願得終始如駟蚤。東野不迴頭。有如寸筵撞鉅鍾。我願身爲雲。東野變爲龍。四方上下逐東野。雖有離別無由逢。

李花二首

平旦入西園。梨花數株若矜夸。旁有一株李。顏色慘慘似含嗟。問之不肯道所以。獨繞百帀至日斜。忽憶前時經此樹。正見芳意初萌芽。奈何趁酒不省錄。不見玉枝攢霜葩。泫然爲汝下雨淚。無由反旆羲和車。東風來吹不解顏。蒼茫夜氣生相遮。冰盤夏薦碧實脆。斥去不御慚其花。

當春天地爭奢華。洛陽園苑尤紛拏。誰將平地萬堆雪。剪刻作此連天花。日光赤色照未好。明月暫入都交加。夜領

張徹投盧仝。乘雲共至玉皇家。長姬香御四羅列。綈裙練
帨無等差。靜濯明粧有所奉。顧我未肯置齒牙。清寒瑩骨
肝膽醒。一生思慮無由邪。

招揚之罽

柏生兩石間。萬歲終不大。野馬不識人。難以駕車蓋。柏移
就平地。馬羈入廐中。馬思自由悲。柏有傷根容。傷根柏不
死。千丈日以至。馬悲罷還樂。振迅矜鞍轡。之罽音澤南山來。
文字得我驚。館置使讀書。日有求歸聲。我令之罽歸。失得
柏與馬。之罽別我去。計出柏馬下。我自之罽歸。入門思而
悲。之罽別我去。能不思我爲。灑掃縣中居。引水經竹間。嚙
譁所不及。何異山中閒。前陳百家書。食有肉與魚。先王遺

文章綴緝實在余。禮稱獨學陋。易貴不遠復。作詩招之眾。
晨夕抱饑渴。

寄盧仝

玉川先生洛城裏。破屋數間而已矣。一奴長鬚不裹頭。一
婢赤脚老無齒。辛勤奉養十餘人。上有慈親下妻子。先生
結髮憎俗徒。閉門不出動一紀。至今鄰僧乞米送。僕忝縣
尹能不恥。俸錢供給公私餘。時致薄少助祭祀。勸參留守
謁大尹。言語纔及輒掩耳。水北山人得名聲。去年去作幕
下士。水南山人又繼往。鞍馬僕從塞閭里。少室山人索價
高。兩以諫官徵不起。彼皆刺口論世事。有力未免遭驅使。
先生事業不可量。惟用法律自繩已。春秋三傳束高閣。獨

抱遺經究終始。往年弄筆嘲同異。怪辭驚衆謗不已。近來
自說尋坦途。猶上虛空跨綠駟。去歲生兒名添丁。意令與
國充耘耔。音子國家丁口連四海。豈無農夫親耒耜。先生抱
才終大用。宰相未許終不仕。假如不在陳力列。立言垂範
亦足恃。苗裔當蒙十世宥。豈謂貽厥無基趾。故知忠孝生
天性。潔身亂倫安足擬。昨晚長鬚來下狀。隔牆惡少惡難
似。每騎屋山下。窺闕渾舍驚。怕走折趾。憑依婚媾欺官吏。
不信令行能禁止。先生受屈未曾語。忽此來告良有以。嗟
我身爲赤縣令。操權不用欲何俟。立召賊曹呼伍伯。盡取
鼠輩尸諸市。先生又遣長鬚來。如此處置非所喜。况又時
當長養節。都邑未可猛政理。先生固是余所畏。度量不敢

窺涯淚放縱是誰之過歟效尤戮僕愧前史買羊沽酒謝
不敏偶逢明月曜桃李先生有意許降臨更遣長鬚致雙
鯉

酬司門盧四兄雲夫院長望秋作

長安雨洗新秋出極目寒鏡開塵函終南曉望蹋龍尾倚
天更覺青巖巖祖衞切自知短淺無所補從事久此穿朝衫

歸來得便即遊覽暫似壯馬脫重銜曲江荷花蓋十里江
湖生思自莫緘樂遊下矚無遠近綠槐萍合不可芟白首
寓居誰借問平地寸步局雲巖雲夫吾兄有狂氣嗜好與
俗殊酸鹹日來省我不肯去論詩說賦相誦誦音南望秋一
章已驚絕猶言低抑避謗讒若使乘酣騁雄怪造化何以

當鑄劍。嗟我小生。值強伴。怯膽變勇。神明鑒。馳坑跨谷。終未悔。爲利而止。真貪饒。高揖羣公。謝名譽。遠追甫白。感至誠。樓頭完月。不共宿。其奈就缺行。攖攖。

誰氏子

非癡非狂誰氏子。去入王屋稱道士。白頭老母遮門啼。挽斷衫袖留不止。翠眉新婦年二十。載送還家哭穿市。或云欲學吹鳳笙。所慕靈妃嬌蕭史。又云時俗輕尋常。力行險怪取貴仕。神僊雖然有傳說。知者盡知其妄矣。聖君賢相安可欺。乾死窮山竟何俟。嗚呼余心誠豈弟。願往教誨寃終始。罰一勸百政之經。不從而誅未晚爾。誰其友親能哀憐。寫吾此詩持送似。

河南令舍池臺

灌地纔盈五六丈。築臺不過七八尺。欲將層級壓籬落。未許波瀾量斗碩。規摹雖巧何足誇。景趣不遠真可惜。長令人吏遠趨走。已有蛙黽助狼籍。

送無本師歸范陽

無本於爲文。身大不及膽。吾嘗示之難。勇往無不敢。蛟龍弄角牙。造次欲手攬。衆鬼囚大幽。下覩襲玄竇。音啖天陽熙四海。注視首不頷。鯨鵬相摩宰。音速兩舉快一噉。夫豈能必然。固已謝黥。烏敢切黥。音啖狂詞肆滂葩。低昂見舒慘。姦窮怪變得。往往造平澹。蜂蟬碎錦纈。綠池披菡萏。芝英擢荒秦。孤翮起連萑。土敢切家住幽都遠。未識氣先感。來尋吾何能。

無殊嗜昌歠

但感切

始見洛陽春。桃枝綴紅糝。遂來長安里。

時封轉習坎。

老懶無鬪心。久不事鉛槧。欲以金帛酬。舉室

常顧

坎音

頷。念當委我去。霜雪刻以懣。寧飈攪空衢。天地與

頓撼。勉率吐歌詩。尉女別後覽。

石鼓歌

張生手持石鼓文。勸我試作石鼓歌。少陵無人謫僊死。才
薄將奈石鼓何。周網陵遲四海沸。宣王憤起揮天戈。大開
明堂受朝賀。諸侯劔珮鳴相磨。蒐于岐陽騁雄俊。萬里禽
獸皆遮羅。鐫功勒成告萬世。鑿石作鼓隳嵯峨。從臣才藝
咸第一。揀選撰刻留山阿。雨淋日炙野火燎。鬼物守護煩
撝呵。公從何處得紙本。毫髮盡備無差訛。辭嚴義密讀難

曉字體不類隸與科年深豈免有缺畫快劒斫斷生蛟鼉
鸞翔鳳翥衆僊下珊瑚碧樹交枝柯金繩鐵索鎖鈕壯古
鼎躍水龍騰梭陋儒編詩不收入二雅褊迫無委蛇孔子
西行不到秦音掎音撫星宿遺羲娥嗟予好古生苦晚對此
涕淚雙滂沱憶昔初蒙博士徵其年始改稱元和故人從
軍在右輔爲我量度掘曰科濯冠沐浴告祭酒如此至寶
存豈多氈苞席裏可立致十鼓祗載數駱駝薦諸太廟比
郤鼎光價豈止百倍過聖恩若許留太學諸生講解得切
磋觀經鴻都尚填咽坐見舉國來奔波剝苔剔蘚露節角
安置妥帖平不頗大厦深簷與蓋覆經歷久遠期無佗中
朝大官老於事詎肯感激徒婣音嬰音阿音牧童敲火牛礪角

誰復著手爲摩挲。日消月鑠就埋沒。六年西顧空吟哦。羲之俗書趣姿媚。數紙尚可博白鵝。繼周八代爭戰罷。無人收拾理則那。方今太平日無事。柄任儒術崇丘軻。安能以此上論列。願借辯口如懸河。石鼓之歌止於此。嗚呼吾意其蹉跎。

雙鳥詩

雙鳥海外來。飛飛到中州。一鳥落城市。一鳥集巖幽。不得相伴鳴。爾來三千秋。兩鳥各閉口。萬象銜口頭。春風卷地起。百鳥皆飄浮。兩鳥忽相逢。百日鳴不休。有耳聒皆聾。有口反自羞。百舌舊饒聲。從此恒低頭。得病不呻喚。泯默至死休。雷公告天公。百物須膏油。自從兩鳥鳴。聒亂雷聲收。

鬼神怕嘲詠。造化皆停留。草木有微情。挑挾於說示九州。
蟲鼠誠微物。不堪苦誅求。不停兩鳥鳴。百物皆生愁。不停
兩鳥鳴。自此無春秋。不停兩鳥鳴。日月難旋轉。不停兩鳥
鳴。大法失九疇。周公不爲公。孔丘不爲丘。天公怪兩鳥。各
捉一處囚。百蟲與百鳥。然後鳴啾啾。兩鳥旣別處。閉聲省
愆尤。朝食千頭龍。暮食千頭牛。朝飲河生塵。暮飲海絕流。
還當三千秋。更起鳴相酬。

贈劉服師

羨君齒牙牢。且潔大肉硬。餅如刀截。我今呀豁落者多。所
存十餘皆兀腩。匙抄爛飯穩送之。合口軟嚼如牛飼。音妻
兒恐我生悵。望盤中不飭栗與梨。祇今年纔四十五。後日

懸知漸莽鹵朱顏皓頸訝莫親此外諸餘誰更數憶昔太
公仕進初口含兩齒無羸餘虞翻十三比豈少遂自惋恨
形於書丈夫命存百無害誰能點檢形骸外巨緡東釣儻
可期與子共飽鯨魚膾

題炭谷湫祠堂

萬生都陽明幽暗鬼所褻嗟龍獨何智出入人鬼間不知
誰爲助若執造化關厭處平地水巢居插天山列峰若攢
指石孟仰環環巨靈高其捧保此一掬慳森沉固含蓄本
以儲陰奸魚鼈蒙擁護羣嬉傲天頑翯翯音直棲託禽飛飛
一何閒祠堂像侔真擢玉紆煙鬟羣怪儼伺候恩威在其
顏我來日正中悚惕思先還寄立尺寸地敢言來途艱吁

無吹毛刃血此牛蹄殷

鳥開切

至今乘水旱鼓舞寡與鰥林

叢鎮冥冥窮年無由刪妍英雜豔實星瑣黃朱班石級皆

險滑顛躋莫牽攀龍區雛衆碎付與宿已頒棄去可奈何

吾其死茅菅

奸音

聽潁師彈琴

昵昵兒女語恩怨相爾汝劃然變軒昂勇士赴敵場浮雲
柳絮無根蒂天地闊遠隨飛揚喧啾百鳥羣忽見孤鳳凰
躋攀分寸不可上失勢一落千丈強嗟余有兩耳未省聽
絲篴自聞潁師彈起坐在一旁推手遽止之濕衣淚滂滂
潁乎爾誠能無以冰炭置我腸

送陸暢歸江南

舉舉江南子。名以能詩聞。一來取高第。官佐東宮軍。迎婦丞相府。誇映秀士羣。鸞鳴桂樹間。觀者何繽紛。人事喜顛倒。旦夕異所云。蕭蕭青雲幹。遂逐荆棘焚。歲晚鴻鴈過。鄉思見新文。踐此秦關雪。家彼吳洲雲。悲啼上車女。骨肉不可分。感槩都門別。丈夫酒方醺。我實門下士。力薄蚋與蚊。受恩不卽報。永負湘中墳。

送進士劉師服東歸

猛虎落檻穽。坐食如孤狔。

音豚

丈夫在富貴。豈必守一門。公

心有勇氣。公口有直言。奈何任埋沒。不自求騰軒。僕本亦連士。頗嘗究根源。由來骨鯁材。喜被軟弱吞。低頭受侮笑。隱忍碑

音律

兀冤。泥雨城東路。夏槐作雲屯。還家雖闕短。指

日親晨飧，攜持令名歸。自足貽家尊，時節不可翫。親交可攀援，勉來取金紫。勿久休中園。

嘲魯連子

魯連細而黠，有似黃鵠音子。田巴元老蒼，憐汝矜爪嘴。開端要驚人，雄跨吾厭矣。高拱禪鴻聲，若啜一杯水。獨稱唐虞賢，顧未知之耳。

贈張籍

吾老著讀書，餘事不掛眼。有兒雖甚憐，教示不免簡。君來好呼出，跟音郎踟音鏘越門限。懼其無所知，見則先愧赧。昨因有緣事，上馬挿手版。留君住廳食，使立侍盤饌。薄暮歸見君，迎我笑而莞。指渠相賀言，此是萬金產。吾愛其風骨，粹

美無可揀。試將詩義授。如以肉貫弗。音產開祛露毫末。自得
高蹇嶮。我身蹈丘軻。爵位不早綰。固宜長有人。文章紹編
剡。感荷君子德。悅若乘朽棧。召令吐所記。解摘了瑟僂。顧
視窻壁間。親戚競覘。音滿喜氣排寒冬。逼耳鳴睨眈。如今
更誰恨。便可耕灞滻。

調張籍

李杜文章在。光焰萬丈長。不知羣兒愚。那用故謗傷。蚍音毗
蜉音浮撼大樹。可笑不自量。伊我生其後。舉頸遙相望。夜夢
多見之。晝思反微茫。徒觀斧鑿痕。不矚治水航。想當施手
時。巨刃磨天揚。垠崖劃崩豁。乾坤擺雷硠。惟此兩夫子。家
居率荒涼。帝欲長吟哦。故遣起且僵。翦翎送籠中。使看百

鳥翔平生千萬篇。金薤垂琳琅。僊官敕六丁。雷電下取將。
流落人間者。太山一豪芒。我願生兩翅。捕逐出八荒。精誠
忽交通。百怪入我腸。刺_{七音}手拔鯨牙。舉瓢酌天漿。騰身跨
汗漫。不著織女襄。顧語地上友。經營無太忙。乞君飛霞珮。
與我高頡頏。

盧郎中雲夫寄示送盤谷子詩兩章歌以和之

昔尋李愿向盤谷。正見高崖巨壁爭開張。是時新晴天井
溢。誰把長劒倚太行。衝風吹破落天外。飛雨白日灑洛陽。
東蹈燕川食曠野。有饋木蕨芽滿筐。馬頭溪深不可厲。借
車載過水入箱。平沙綠浪榜_音方口。鴈鴨飛起穿垂楊。窮
探極覽頗恣橫。物外日月本不忙。歸來辛苦欲誰爲。坐令

再往之計墮眇芒。閉門長安三日雪。推書撲筆歌慨慷。旁
無壯士遣屬和。遠憶盧老詩顛狂。開緘忽覩送歸作。字向
紙上皆軒昂。又知李侯竟不顧。方冬獨入崔嵬藏。我今進
退幾時決。十年蠢蠢隨朝行。家請官供不報荅。何異雀鼠
偷太倉。行抽手版付丞相。不待彈劾還耕桑。

寄皇甫湜

敲門驚晝睡。問報睦州吏。手把一封書。上有皇甫字。折書
放牀頭。涕與淚垂四。昏昏還就枕。惘惘夢相值。悲哉無竒
術。安得生兩翅。

病中贈張十八

中虛得暴下。避冷臥北窗。不蹋曉鼓朝。安眠聽逢逢。音籍

也處間里抱能未施邦文章自娛戲金石日擊撞龍文百
斛鼎筆力可獨扛談舌久不掉非君亮誰雙扶几導之言
曲節初撻撻音半塗喜開鑿派別失大江吾欲盈其氣不
令見麾幢牛羊滿田野解旆束空杠傾罇與斟酌四壁堆
罍缸玄帷隔雪風照鑪釘音定明缸夜闌縱押音擺闔哆昌者切
口踈眉厖勢倖高陽翁坐約齊橫降音杭連日挾所有形軀
頓脞音肱將歸乃徐謂子言得無吮音厖迴軍與角逐
斫樹收窮龐雌聲吐款要酒壺綴羊腔君乃崑崙渠籍乃
嶺頭瀧音郎譬如蟻垤微詎可陵崆音腔峴五江切願終賜之教
斬拔枿牙葛切與椿從此識歸處東流水淙淙音藏

雜詩

古史散左右。詩書置後前。豈殊蠹書蟲。生死文字間。古道
自愚^音。古言自包纏。當今固殊古。誰與爲欣歡。獨攜無
言子。共昇崑崙顛。長風飄襟裾。遂起飛高圓。下視禹九州。
一塵集豪端。遨嬉未云幾。下已億萬年。向者夸奪子。萬墳
厭其巔。惜哉抱所見。白黑未及分。慷慨爲悲咤。淚如九河
翻。指摘相告語。雖還今誰親。翩然下大荒。被髮騎騏驎。

寄崔二十六立之

西城員外丞。心跡兩屈奇。往歲戰詞賦。不將勢力隨。下驢
入省門。左右驚紛披。傲兀坐試席。深叢見孤羆。文如翻水
成。初不用意爲。四座各低面。不敢捩^音。眼窺升階揖侍郎。
歸舍日未歆。佳句喧衆口。考官敢瑕疵。連年收科第。若摘

額底髭迴首卿相位通途無他歧豈論校書郎袍笏光參
差童稚見稱說祝身得如斯儕輩妬且熱喘如竹筒吹老
婦願嫁女約不論財貲老翁不量分累月答其兒攪攪爭
附託無人角雄雌由來人間事翻覆不可知安有巢中鷁
寇音插翅飛天陲駒麕音迷著爪牙猛虎借與皮汝頭有韁繫
汝脚有索縻陷身泥溝間誰復稟指撝不脫吏部選可見
偶與竒又作朝士貶得非命所施客居京城中十日營一
炊逼迫走巴巒恩愛座上離昨來漢水頭始得完孤羈析
音行掛新衣裳益棄食殘糜苟無饑寒苦那用分高卑憐我
還好古宦途同險巇每旬遺我書竟歲無差池新篇奚其
思風幡肆逶迤又論諸毛功磅水看蛟螭雷電生睽音睽

釋音

角鬣相撐披。屬我感窮景。抱華不能摘。唱來和相報。愧

歎俾我疵。又寄百尺綵。緋紅相盛衰。巧能喻其誠。深淺抽
肝脾。開展放我側。方餐涕垂匙。朋交日凋謝。存者逐利移。
子寧獨迷誤。綴綴意益彌。舉頭庭樹豁。狂飈卷寒曦。迢遞
山水隔。何由應埧笊。別來就十年。君馬記騶驪。長女當及
事。誰助出悅縞。諸男皆秀朗。幾能守家規。文字銳氣在。輝
輝見旌麾。摧腸與感容。能復持酒卮。我雖未耄老。髮禿骨
力羸。所餘十九齒。飄飄盡浮危。玄花著兩眼。視物隔縹緲。
縹緲音離燕席謝不詣。游鞍懸莫騎。敦敦音堆凭書案。譬彼鳥黏
縹緲音離且吾聞之師。不以物自隳。孤豚眠糞壤。不慕太廟犧。
君看一時人。幾輩先騰馳。過半黑頭死。陰蟲食枯髀。
髀音疵歡

華不滿眼。咎責塞兩儀。觀名計之利。詎足相陪裨。仁者耻
貪冒。受祿量所宜。無能食國惠。豈異哀癯罷。音皮久欲辭謝
去。休令衆睢睢。音隋况又嬰疹疾。寧保軀不貲。不能前死罷。
內實慚神祇。舊籍在東都。茅屋枳棘籬。還歸非無指。灞渭
揚春澌。生兮耕吾疆。死也埋吾陂。文書自傳道。不仗史筆
垂。夫子固吾黨。新恩釋銜羈。去來伊洛上。相待安爪。音孤筆
音甲我有雙飲觥。其銀得朱。音殊提。音時黃金塗物象。雕鏤妙工
倕。乃令千里鯨。么麼微螽斯。猶能爭明月。擺掉出渺瀰。野
草花葉細。不辯薺。音咨菜。音綠施。音施縣縣相糾結。狀似環城隄。
四隅芙蓉樹。擢豔皆猗猗。鯨以興。音去聲君身失所逢。百罹月
以喻大道。僦勉勵莫虧。草木明覆載。妍醜齊榮萎。願君恒

御之行止雜燧觸異日期對舉當如合分支

月蝕詩效玉川子作

元和庚寅斗插子月十四日三更中森森萬木夜僵立寒
氣肩戲音爨音頑無風月形如白盤完完上天東忽然有物
來噉之不知是何蟲如何至神物遭此狼狽凶星如撒沙
出攢集爭強雄油燈不照席是夕吐燄如長虹玉川子涕
泗下中庭獨行念此日月者爲天之眼睛此猶不自保吾
道何由行嘗聞古老言疑是蝦蟇精徑圓千里納女腹何
處養女百醜形把沙脚手鈍誰使女解緣青冥黃帝有四
目帝舜重其明今天祇兩目何故許食使偏盲堯呼大水
浸十日不惜萬國赤子魚頭生女於此時若食日雖食八

九無嚙

狙銜切

名赤龍黑鳥燒口熱翎鬣倒側相搪撐婪酣

大肚遭一飽饑腸徹死無由鳴後時食月罪當死天羅磔

音榼市何處逃汝刑玉川子立於庭而言曰地行賤臣全再

拜敢告上天公臣有一寸刃可剗凶墓腸無梯可上天天

階無由有臣蹤寄牋東南風天門西北祈風通丁寧附耳

莫漏洩薄命正值飛廉慵東方青色龍牙角何呀呀從官

百餘座嚼啜煩官家月蝕汝不知安用爲龍窟天河赤鳥

司南方尾禿翅觮

陟加切

沙月蝕於汝頭汝口開呀呀蝦蟇

掠汝兩吻過忍學省事不以汝觜啄蝦蟇於菟蹲於西旗

旄衛毳

音參

毫

沙音

旣從白帝祠又食於禘禮有加忍令月被

惡物食枉於汝口插齒牙鳥龜怯姦怕寒縮頸以殼自遮

終令夸蛾抉汝出。卜師燒錐鑕。灼滿板如星羅。此外内外官。瑣細不足科。臣請悉掃除。慎勿許語令啾譁。併光全耀歸我月。盲眼鏡淨無纖瑕。弊蛙拘送主府官。帝箸下腹嘗其蟠。依前使免操杵臼。玉階桂樹閒婆娑。恒娥還宮室。大陽有室家。天雖高耳屬地。感臣赤心。使臣知意。雖無明言。潛喻厥旨。有氣有形。皆吾赤子。雖忿天傷。忍殺孩稚。還女月明。安行于次。盡釋衆罪。以蛙磔音窄死。

孟生詩

孟生江海士。古貌又古心。嘗讀古人書。謂言古猶今。作詩三百首。宵默咸池音。騎驢到京國。欲和薰風琴。豈識天子居。九重鬱沉沉。一門百夫守。無籍不可尋。晶光蕩相射。旗

戟翩以森。遷延乍却走。驚怪靡自任。舉頭看白日。泣涕下
霑襟。竭來遊公卿。莫肯低華簪。諒非軒冕族。應對多差參。
萍蓬風波急。桑榆日月侵。奈何從進士。此路轉嶮嶮。音異
質忌處羣。孤芳難寄林。誰憐松桂性。競愛桃李陰。朝悲辭
樹葉。夕感歸巢禽。顧我多慷慨。窮簷時見臨。清宵靜相對。
髮白聆苦吟。採蘭起幽念。眇然望東南。秦吳脩且阻。兩地
無數金。我論徐方牧。好古天下欽。竹實鳳所食。德馨神所
歆。求觀衆丘小。必上泰山岑。求觀衆流細。必泛滄溟深。子
其聽我言。可以當所箴。旣獲則思返。無爲久滯淫。下和試
三獻。期子在秋砧。

射訓狐

有鳥夜飛名訓狐。矜凶挾狡誇自呼。乘時陰黑止我屋。聲勢慷慨非常麤。安然大喚誰畏忌。造作百怪非無須。聚鬼徵妖自朋扇。擺掉拱楠頽墜塗。慈母抱兒怕入席。那暇更護雞窠雛。我念乾坤德泰大。卯此惡物常勤劬。縱之豈卽遽有害。斗柄行拄西南隅。誰謂停奸計。尤劇意欲唐突羲和鳥。侵更歷漏氣彌厲。何由僥倖休須臾。咨余徃射豈得已。候女兩眼張睢盱。梟驚墮梁蛇走竇。一夫斬頸羣雛枯。將歸贈孟東野房蜀客。

君門不可入。勢利互相推。借問讀書客。胡爲在京師。舉頭未能對。閉眼聊自思。倏忽十六年。終朝苦寒飢。宦途竟寥落。鬢髮坐差池。潁水清且寂。箕山坦而夷。如今便當去。咄

咄無自疑。

荅孟郊

規模背時利。文字覩天巧。人皆餘酒肉。子獨不得飽。纔春
思已亂。始秋悲又攪。朝餐動及午。夜諷恒至卯。名聲暫羶
腥。腸肚鎮煎爇。音炒古心雖自鞭。世路終難拗。弱拒喜張臂。
猛挐閒縮爪。見倒誰肯扶。從嗔我須齧。

從仕

居閒食不足。從仕力難任。兩事皆害性。一生恒苦心。黃昏
歸私室。惆悵起歎音。棄置人間世。古來非獨今。

短燈檠歌

長檠八尺空自長。短檠二尺便且光。黃簾綠幕朱戶閉。風

露氣入秋堂涼。裁衣寄遠。淚眼暗。搔頭頻。挑移近牀。太學
儒生東魯客。二十辭家來射策。夜書細字綴語言。兩目眵
癡昏頭雪白。此時提攜當案前。看書到曉那能眠。一朝富
貴還自恣。長檠高張照珠翠。吁嗟世事無不然。牆角君看
短檠棄。

送劉師服

夏半陰氣始。淅然雲景秋。蟬聲入客耳。驚起不可留。草草
具盤饌。不待酒獻酬。士生爲名累。有似魚中鉤。齎財入市
賣。貴者恒難售。音讐豈不畏顛顛。爲功忌中休。勉哉耘其業。
以待歲晚收。

韓文卷之五終



